

Chuukese

Title 8
Department of Education

Subtitle 2
Education

Part 1
Public Schools

Chapter

Student Misconduct,
Discipline, School Searches
and Seizures, Reporting
Offenses, Police Interviews
and Arrests, Restitution
for Vandalism, Complaint
Procedure and Investigation
of Discrimination, Harassment
(Including Sexual Harassment),
Bullying and/or Retaliation

19

ANNUKUN ANAPWUNGUN HAWAII (HAWAII ADMINISTRATIVE RULES)

SAPWUN ANNUK 8

PWUTAIN SUKUN (DEPARTMENT OF EDUCATION)

UWEKISIN ANNUK 2

PEKIN SUKUN

KINIKIN 1

SUKUNEN MUUN (PUBLIC SCHOOLS)

CHAPTER 19

AN CHON SUKUN FOFOR ESE PWUNG, EMMIRITIN CHON SUKUN, AN EKKEWE SUKUN PWUNG AR REPWE CHOSA ME AMOCHU, ESINESIN TETENIN AN CHON SUKUN FOFOR ESE MUMUTA, AN POLICE ANGANG NUPWEN FANSOUN CHON SUKUN RA ATAI ANNUK, O PWAN AN CHON SUKUN PAKKING FANSOUN RA ATAI IKA ANGAWA PISEKIN MUUN ME ANGANGAN KOMPLEIN ME CHOSA REN SAKOPATEN ESIIT, TURUNUFAS (PACHENONG TURUNUFAS NEFINEN EMON AT IKA NENGIN), NAMAIKI ME/IKA ANGANGAN FIU SEFAN IKA ENIWINI FOFORGAW

Subchapter 1	Uwenapen Ekkei Annuk
§8-19-1	Anapanap
§8-19-2	Awewen
§8-19-3	Tichikin Nounoun
§8-19-4	Kapachen me Aimwuun Nounoun Nupwen Mei Napeseni Ew Annuk Mei Ta
§8-19-4.1	An chon sukun pwung ngeni (privacy) monomon
Subchapter 2	An Chon Sukun Fofor Ese Pwung ika Emmiritin Chon Sukun Atun ewe Ierin Sukun
§8-19-5	Emmiritin chon sukun; pochokunen ewe annuk
§8-19-6	Foforan chon sukun ese pwung; tetenin ekkewe fofor
§8-19-7	Kounon fiti sukun non atapwanapwan (crisis removal)
§8-19-7.1	Chosa
§8-19-8	Kounon fiti sukun
§8-19-9	Epwe wor fansoun epwe kawor ren an chon sukun re kouno fiti sukun repwe ponuweni ewe pwung esapw nape seni 10 raan, me tichikin ewe pwung mwen an epwe pwunguno katoun chon sukun
§8-19-10	Nakatamen ewe emmiritin chon sukun
§8-19-11	Sakopaten siwinin angangen sukun mei kawor ika fen pwan aninis ngeni ekkewe chon sukun iir mei atai ekkewe annuk mei affat non ei chapter
Subchapter 3	An Chon Sukun Fofor Ese Pwung ika Emmiritin Chon Sukun Atun Summer School
§8-19-12	Emmiritin chon sukun; pochokunen ewe annuk
§8-19-13	Foforan chon sukun ese pwung; tetenin ekkewe fofor
Subchapter 4	An Ekkewe Sukun Pwung Ar Repwe Chosa me Amochu
§8-19-14	Tichikin annukun chosa non an chon sukun kewé kapet (locker)
§8-19-15	Annukun ekkewe sukun fansoun repwe chosa me amochu
§8-19-16	Mumuta Non Sukun
§8-19-17	Tichikin annukun chosa me amochu
§8-19-18	An ekkewe sukun annuk fansoun repwe chosa me amochu
Subchapter 5	Esinesin Fansoun A Fis Ekkewe Fofor
§8-19-19	Esinesin tetenin annuk A me B mei fis non sukun
§8-19-20	Namoten ewe esinesin ren ekkewe tetenin annuk
§8-19-21	Osukosuk ika ese wor esinesin ren ekkewe tetenin annuk A me B mei fis non sukun; met epwe fis ngeni ekkewe sukun murin

Subchapter 6

An Police Angangen Chosa me Arres

- §8-19-22 An police chosa non sukun ren ekkewe annukun sukun
§8-19-23 An police chosa non sukun ren ekkewe annuk esapw sukun
§8-19-24 An police arres non sukun

Subchapter 7

Pinasen Tipisin Atai Pisekin Muun

- §8-19-25 Met epwe fis ngeni chon sukun mei atai pisekin muun
§8-19-26 Tetenin mwokut epwe fis ngeni chon atai pisekin muun
§8-19-27 Koturuno
§8-19-28 Koturuno
§8-19-29 Koturuno

Subchapter 8

Angangan Komplein me Chosa ren Sakopaten
Esiit, Turunufas (Pachenong Turunufas Nefinen
Emon At ika Nengin), Namaiki me/ika Angangan
Fiu Sefan ika Eniwini Foforungaw

- §8-19-30 Angangan komplein
§8-19-31 Chosa
§8-19-32 Saposapun Chosa
§8-19-33 Aninis non poraus, mak, ika mettochun aninis mi auchea
§8-19-34 Angangan fiu sefan ika eniwini foforungaw ese mumuta
§8-19-35 Pwungun kuttan ekkoch mettochun aninis

Tichikin Porous: Ei kinikin a popu seni met mei mak on noun ewe Pwutain Education “Annuk 21, Fan Iten Emmiritin Chon Sukun” [Eff 3/28/64; am 11/29/73; am 5/01/76; R 9/1/82]; “Annuk 3, Fan Iten An Ewe Police Chosa me Arresini Chon Sukun Nupwen Fansoun Sukun” [Eff 9/23/63; am 6/20/77; R 9/1/82]; “Annuk 24, Fan Iten Chon Sukun ika Ra Un ika Koi Supwa non Ekkewe Nenien Sukun” [Eff 3/28/64; R 9/1/82].

SUBCHAPTER 1

UWENAPEN EKKEI ANNUK

§8-19-1 Anapanap. (a) Hawaii a awora o pwan pesei epwe wor muun sukun ika public education non unusen fonuwer ei. Iei popun ei wewe ra mochen apochokuna an emon me emon chon sukun epwe tongeni angei an sinei seni ekkei sukun. O pwan pachengeni ewe fansoun mei kawor ngeni chon sukun, iei ewe pwutain sukun mei pwan awora saposapun an chon sukun kaeo non summer, ew pesepes nge esapw ew annuk pwe repwe fakkun chok fiti summer. Ewe pwutai mei pochokun ar repwe:

- (1) Awora ngeni chon sukun ar aninis mei mwurinno;
- (2) Kefin ekkewe sense mei wesem sinenap me mwurinno; me
- (3) Efini ekkewe sakkun pekin aninis repwe anisi anapano an chon sukun sinei.

Non ewe ier 1996, An Hawaii pwutaiin “education” a poputani ew minafon pwung a iteni “Comprehensive Student Support System (CSSS)”, ei minafon pwung a kawor fan asengesin ekkewe anisin chon sukun ren pekkin kaeo epwe saposop, nonomun nein aramas, memefin netip, me sakopaten aninis met mi nomw unukur (mei menei kotochun ar pekin kaeo) me met sakopaten aninis epwe kawor ngenir an ekkewe chon sukun sinei ra tongeni tikeri ewe oukukun sinenap mei fat non annuk. Ren pwan chok ei wewe ei CSSS epwe esenipato aninis me angang fengen nefinen chon sukun, sense, famini, pwan tori ekkewe sukun fan iten an epwe pwonueta mwitirin me ururochun aninis ngeni an chon sukun kaeo. An ewe pwutaiin sukun non ar annuk me fofor me mochen ren chon fiti ar kewe sukun repwe kinamwe, tumun me tipetekison non nenien kaeo.

(b) Emon me emon chon sukun repwe aucheani ne fori angang mei sufon, pwung, ese-nefinifin aramas, tumun, tipetekison fansoun meinisin nupwen ar fiti sein sukun, ar fori angangen ika urumwotun sukun ekis meinisin non me nukun sukun. Ewe pwutai mei oPOCHOKUNA ekkei auchean annuk non unusek ekkewe sukun non Hawaii.

(c) Ina mine, ika emon chon sukun a atai ekkei annuk kukkun, annuk wate, ika aureurun ewe pwutai, annukun state ika sop, iwe ewe pwutai epwe fori angangen fon usun mei mak non ei kinikin. Popun me wewen ekkei fon ar repwe:

- (1) Fotuki me sopwei an epwe wor tumun me kinamwe non ekkewe nenien kaeo meinisin;
- (2) Aiti ika fen pesei ekkewe fofor mei mwurinno an epwe tumun angangen kaeo me feifeitan chon sukun;
- (3) Aiti chon sukun repwe weweti met ekkewe fofor mei tongeni angawa, aosukosuka ika fen atai ar sukun;
- (4) Sopwei ekkewe fofor mei mwurinno fan iten an chon sukun kaeo esapw kouk; me
- (5) Aukatiw ekkoch esiit (pachenong sakopaten esiit ese nom non annuk), turunufas (pachenong turunufas nefinen emon at ika nengin), ika namaiki ngeni emon chon sukun anonganong won an kinikin/nonomwun.

(d) Meinisin chon angangen ewe pwutaiin education re fori ar kewe prokram, fofor ika angang fan iten ekkewe sukun ika ekkewe chon sukun repwe fori ar angang non kinamwe me mecheres, ese fakkun mumuta an epwe wor ngeni are seni chon sakkun sarongaw ika foforungaw.

(e) Pwan saposapwun ekkewe pwungun tipis non ei kinikinin, ekkewe niwinin tipis ika pakingin atai pisekin muun ika fen pwan paking ren ion chon sinei nge rese akafat fan pwungun annukun ei kinikin. Ina wewen a kawor ekkei pinasen tipis pokiten ewin an epwe oukouk chon atai me tumunungaw ekkei annuk iwe aruhan epwe fateoch ian nikesiwinin ika niwinin ekkewe pisekin muun mei ta me tumunungaw epwe feito me ian.

(f) Fan ekkoch police mei tongeni chosani chon sukun ika ir mei fen pwan tongeni ar repwe uweir ngeni pureik. Ei kinikin mei awora an ekkewe chon sukun pwung, pwan ar repwe tipe mecheres ngeni ekkewe police nupwen ar fori ar angang, pwan nomw non kinamwe nupwen a wor osukosuk me non sukun, iwe pwan tichiki met chon angang repwe for ika a wor chosa non ekkewe sukun. [Eff 9/1/82; am 5/23/86; am and comp 7/19/93; am and comp 5/19/97; comp 2/22/01; am and comp 9/10/09; am and comp NOV 17 2019] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

§8-19-2 Awewen. Usun mei affat non ei kinikin:

“Kapas mei ngaw” wewen ekkewe poraus ika kapas mei ngaw ika mei emetiki netip esapw chon ikei met a wenengeni awewe, okkoun, amangawa emon ne kor ngeni it mei ngaw ika ititingaw, ika fosun ne nefanang (enginingin).

“Kawet” wewen mi fiti popun, sinei, kose pwan ekieki an a fis ngeni emon aramas epwe feiengaw fanitan ika esapw fanitan och mettoch/pisek mi afeiengaw.

“Namaiki” ekkewe sakkun angawa/amangaw non taropwe/mak, non kapas, non chunga ika sasing, non fofor emon chon sukun ika ekkoch chon sukun re foforungaw ngeni chiener pwan chon sukun mei tongeni esinipato osukosuken non mokurer ika feingawen inisir. Iwe mei wosewosen watte aweriresin, ese kauk (soposop chok), me chouno eriafoun pwan tongeni atai an chon sukun kaeo ika fen pwan fori an chon sukun resapw chiwen mochen kaeo ren.

“Sona ika Toomwaaninong Non Nenien Emon; ” wewen nge nupwen fansoun emon a tonong ika fen nonom non imwen sukun ika ekkewe nenien sukun ewe pwutai mei aea me nemeni, nge ese angei an mumuta fan iten an epwe efeingawa emon ika pwan atai pisek mei nom non ewe neni ika fen pwan ekkewe neni unukkun ewe nenien sukun.

“Child Welfare Services” wewen ewe pwutaiin aninisin semirit ika Child Welfare Services me non State an Hawaii Department ren Human Services.

“Civil Rights Compliance Branch” wewen ew mwich non ewe pwutai a wisan mesemes ren angangan chosa ren esiit, turunufas (pachenong turunufas nefinen emon at ika nengin), me/ika namaiki mi affat non ei kinikin.

“Etiwano sukun” wewen nupwen fansoun emon chon sukun ese fiti sukun ika etiwano ew an class, nge ese angei an mumuta.

“Complex area superintendent” wewen ewe mastan ewe nenien sukun ika chon wisen nemeni ewe nenien sukun.

“Pisek ese mumuta” wewen me nukun met ekkewe mettoch mei affatetiw non annukkun sukun pwan annukun sukun ese mumuta pokiten mei afeiengaw mei pan tongeni angawa an chon sukun kaeo ika fen pwan angawa mokutukutun ekkewe sukun.

“Safei mei ngaw” wewen ekkewe safei ika “drugs” mei afeiengaw mei pwan affatetiw non annuk I ngeni V non kinikin 329, Hawaii Revised Statutes”.

“Apwungupwung ika mwiich ngeni chon sukun” ewe fansoun chon sukun ra churi ewe meinapen sukun, ekkewe sense, fan ekkoch sam me iin repwe pwan fiti fan iten ar repwe angei aninis/aureur ren met foforun chon sukun mei mwurinno.

“Kounon fiti sukun non atapwanapwan (crisis removal)” wewen ewe fansoun chon sukun mei tongeni tou non chok ewe ran ika ewe fansoun pokiten ika pun e nom epwe afeiengaw inisin ika chienan chon sukun, ei wewe a etto seni an ewe sukun mochen apochokuna an ekkewe chon sukun meinisin pwung ar repwe nom non kinamwe esapw wor feiengaw epwe toriir.

“Namaiki non asapwan” wewen kapas ika mak non ekkewe pisekin ossos ikenai, awewe ren Internet ika poraus non kompiuter, “cell phone”, ika ekkewe (device) tenefon sikan uwei pwan tori ekkewe sakopaten pisekin ossos mei tongeni esinipato osukosuken ne mwakur ika feiengawen inis me riafou ngeni chon sukun ika chon angangen pwutai, pwan tongeni atai an chon sukun kaeo, ar kinamwe, ika fen pwan fori an chon sukun resapw chiwen mochen kaeo ren. Namaiki non asapwan mei fis non ekkei neni:

- (1) Non ewe nenien sukun (campus), ika ekkewe nenii pwan an pwutai won ekkewe sein pwutai pwan tori ekkewe nenii meinisin mei fis an ekkewe sukun angang me urumwot ie, ren non nenien sukun ika fen pwan nukun;
- (2) Non an ewe pwutai nenien poraus ika ar kewe nenien kompiuter nge ese wor mumutan seni pwutai; ika
- (3) Non ekkewe nenien kompiuter meinisin mei nom nukkun ekkewe sukun, mei pwan pachenong ika pun an chon sukun poraus ika mak mei esenipato riaffou me osukosuk non sukun.

Pwan kapach, namaiki non asepwan (cyberbullying) me online epwe won tumwunun nenian emon, mi pachenong nge esapw keuk ngeni ren i chon ian, anuwan inisir, an namanam, at ika nengin, met sakkun an sexual orientation, an gender identity, met a sani ika gender expression, ierin, fonuan, mwirimwirin ika an newo, terin, napanapan ika foforan me nonomwun.

“Ekkewe pisek mei tongeni afeiengawa aramas” wewen ekkewe sakkun pisek ika mettoch mei fou ika mei kono mei tongeni forata pakutang, mei nofit ese mwo nofit nge mei fat pun mei tongeni ni ika afeiengaw aramas. Ikkei ekkei sakkun mettoch nge esapw ikei chok met mi weneiti awewe chowe an naifin mwongo, paipin pakutang, ekkewe sakkun mettoch mei tongeni forata pisekin afeiengaw, anapi, pepper spray, mace, ekkewe pisekin karate mei afeiengaw (stars), saokpaten mettoch ussun fochun paip, fochun ira, me patta mei tongeni opuni aramas.

“Pisekin Afeiengaw” wewen ekkewe pisek mei for pun pisekin afeiengaw ika fen nieno aramas. Esapw ikei chok met mi weneiti, awewe ren ekkewe (dirk) naïf, dagger, butterfly naïf, switchblade naïf, blackjack, slug shot, billy, metal knuckles, me pisekisekin noun sounfiu re nounou fansoun maun mei tongeni afeiengaw ika nieno aramas.

“Pwutai” wewen nge ewe pwutaiin pekin kaeo ika “education”.

“Nom murin sukun” wewen nupwen fansoun chon sukun repwe nomwetiwi sarin sukun ar repwe fori ar angangan sukun me pwan ekkoch activities usun met mei affat ren ekkewe chon meinapen sukun fan iten pinasen tipisin atai an sukun ekkewe annuk.

“Tou seni ewe sukun re fiti” wewen ewe fansoun chon sukun ra tou seni ewe sukun re fiti pokiten ar atai annuk non kinikin 8-19-6. Ei amwet ika katou ese pachenong ewe annukun menni sukun emon e tongeni fiti anonganong won ian ewe chon sukun e nom ie usun mei fat non ewe kinikin 13 sapwun annuk 8.

“Esiit” wewen atou emon seni mwokutukut ika aukatiw aninisir me ren ekkewe kinikinin pwutai ren pekin kaeo me mwokutukut, ika nefinifin me tumwunungawan ewe chon sukun non sakopatan aninis anonganong won nonomwun.

“Tou Fochofoch” wewen pun a pwunguno pwung pun ewe e atai annuk epwe tou seni sukunen muun Hawaii non ewe atun a katou ewe pwung tori omuchunon ewe ierin sukun e tou seni ika esapw kukkun seni ew unusen ier ika pun ewe annuk mei pachenong pisekin afeiengaw non.

“Fofor Ese Pwung” wewen pun ekkewe fofor ese pwung mei fis non ewe nenien sukun, ika ekkewe nenii pwan an pwutai won ekkewe sein pwutai pwan tori ekkewe nenii meinisin mei fis an ekkewe sukun angang me urumwot ie, ren non nenien sukun ika fen pwan nukun:

- (1) Tonong non fiu ika anini (enimukus), pwan sakkun efitikoko usun pupuchor me akapwas;
- (2) Fori sakkun ekurang epwe fori an esapw ponueta kinamwe non suku ika pwan osukosuka angangen suku;
- (3) Fori sakkun ngingiin kapas mei ngaw, ika fen pomweni kapas mei ngaw mei tongeni angawa netipen emon an epwe poputani non fitikoko;
- (4) Fori och angang mei tongeni pwan tikan pun angangen chuungaw ika angangen chofona nge ese wor mumuta seni mine chon for ekkewe sakkun angang;
- (5) Atai ika osukosuka emon non suku ren tingor mwaan moni, pisek ika sakkun pekin aninis esapw minen suku; ika
- (6) Sakkun mwokutun inis nge esapw ikei chok met mi weneiti, ren nissou ika atap fengen fan meser ika ir me ruu.

“Pisekisekin Ekkewe Safei mi annuk” wewen ekkewe sakkun pisek, taropwe, mwesin, ika mettoch mei wor fan iten emon epwe nounou, satuni ne nounou, ika aea ngeni an epwe fotuki, kini, fori, isoni, anomwu, nukuw, opposu, komi, ngaseranong, ika pwan ekkoch sakkun fofor ese mumuta mei pwan atai annukun ei kinikin. Mei pachanong, nge esapw ikei chok met mi weneiti:

- (1) Pisekin amonota (kits), pisek mei fat pun minen ekkewe safei mei annuk, ekkewe katan ira, “separation gins”, kino, mwesininnofiti (“blenders”), rumwe, sepi, sipun, ekkoch foun pusin safei, fuseng, futo, me sakopaten pisekisekin ekkewe sakkun safei mei annuk meinisin mei foruta fan iten ena wewe, ika for faniten amonata, fori, nofiti, isoni, ika opa ekkewe safei mi ngaw;
- (2) Oppos, tikekin oppos, me ekkewe mettoch rekan nounou, aea, ika satuni ne aea ngeni oppos, ar repwe oposuanong ekkewe safei mi ngaw non inisin aramas;
- (3) Meinisin sakopaten pisek mei kawor fan iten emon epwe fori, komi, ngaseranong, ika aea ngeni maruana, “cocaine”, “hashish”, ika “hashish oil”, ika ekkewe sakkun “methamphetamine” (meth), ika ekkewe sakkun “steroids” wanong non inisin aramas, awewe ren:
 - (A) Paipin mecha, omuch, kinas, “acrylic” ika ewe sakkun simen, fau, pinastik, ika seremik, paipin konik, maas, “roach clips”; wewen ekkewe sakopaten mettoch rekan aea ngeni fochun ekkewe maruana, ika a kukununo sise chiwen tongeni komwoch;
 - (B) Kukunun sipunen “cocaine”, kinas me rumwen cocaine, pwan sakopaten pisekin aean ewe safei cocaine ika “bongs”, paipin ice, ika mettochun apatapat (“chillers”); pwan
 - (C) Tori Sakopaten pisek mei aea ngeni safei mi ngaw a fat me awewe non kinikin 329-1, Hawaii Revised Statutes.

“Chon Angangen ewe Pwutai Education” wewen ikeir ekkewe meinap, ekkewe mei wor ar sinenap, ekkewe chon anisi chon suku, sense, ika chon angang meinisin, pwan tori ekkewe chon aninis meinisin ngeni ekkewe suku pachenong ekkewe mwokutukut mi mumuta are pusin for seni ewe pwutaiin “education” ika pekin kaeo.

“Angei non Pochokun” wewen ewe sakkun fofor seni emon aramas:

- (1) Angei seni emon pisekin ika feiochun ifan iten an epwe nemeni ewe pisek me ewe feioch nge ika ese fang epwe, ren an mina/eniwa ren non porous ika fofor pwe epwe:
 - (A) Efeingawa ika afeiengawa aramasan non ekkean fansoun epwe feito;
 - (B) Atai ewe pisek;
 - (C) Fotekki ika kanapusei ewe aramas ika pwan ekkoch;
 - (D) Pwarano met mi monomonono ika aporousa och mettoch, ika mo mei pwung ika mwaan, fori pwe emon aramas epwe koput, tipis, ika pisekin atakirikir, ika angawano nonomun ika itochun chiechioch (sopai);
 - (E) Pwari porous (mettoch) ewe aramas ke eniwa ika fen pwan ekkoch e/re mochen tukumano;
 - (F) Pwarata porous, ika omuchu poraus mei auchea epwe pwaa ngeni kapwung faniten och kleim ika anini;
 - (G) Fori an angangen muun ika esapw fori an angangen muun fansoun om nomw non wiis, ika fori met emon chon angangen muun epwe fori ika esapw fori och mettoch;
 - (H) Strike, “boycott”, ika angei mettoch ika pisek/property esapw faniten meinisin non ewe group, ika angei ewe chon sukun e tipitipin ne tupuni; ika
 - (I) Fori sakkun fofor ika sarongaw ngeni an emon aramas pochokun, tumun, kaeo, business ika mochan, tufichin, nonomwun an angang, itan, pwan nefinan ngeni aramas;
- (2) Oumwesi ika eriafou emon epwe fiti ika esap fiti epwe fini ika esap fini, ika okkoun fengen ren pwan pusin an pwung usun mei mak non ei parakraf (A) ngeni (I) usun mei affat non ei wewe; ika
- (3) Niwini ika niwinimang mei wate seni ewe niwin mei fat non annuk, fori ren epwe oumwesi me sonani.

“Fifiu” wewen iei fansoun a wor koumw nefinen ruemon a fori ar pach inisir non ape. Fifiu mei pachanong, nge esapw ikei chok met mi weneiti:

- (1) Turufengen inis non ningeringer me koumw;
- (2) Anini, turunufas, okkoun fengen, ika amangaw ngeni emon an epwe ningeringer me koumw;
- (3) Eppwis fetan (ponueni) an emon anini, turunufas, okkoun fengen, ika amangaw; kapas ingaw ngeni emon; ika
- (4) Pesei ika anisi ruemon repwe fiu fengen.

“Pisekin Afeiengaw” wewen:

- (1) Ekkewe pisek mei afeiengaw ren pistor, nikosuk, ekkewe nikosuk mei asapwan mei pachanong BB guns, noun chon urumwot kewe paintball guns, ika nikopich ika ekkewe sakkun pisekin afeiengaw usun pachingko;
- (2) Nenian pwan waan ekkewe pisekin afeiengaw;
- (3) Ekkewe mafura ika paipin an esap okurang pwungun; ika
- (4) Ekkewe pisekin afeiengaw wate. Wewen ekkei kapas “pisekin afeiengaw wate” iei:
 - (A) Ekkan mettoch mei pwung, nget pwan poison masowan:

- (i) Pangutang wate;
- (ii) Kukkun pangutang (grenade);
- (iii) Pangutang mei chang;
- (iv) Pangutang wate mei chang mei pwan fiti poison;
- (v) Pangutang non pun; ika
- (vi) Och sakopaten mettochun ika piseken pangutang, ese pwan nefinifin;
- (B) Ekkewe sakopaten piseken afeiengaw usun pachingko, me ekkewe mettoch mei tongeni siwini (convert) och pisekin pangutang mei chang, pachanong sakopaten mettochun ika pisekin afeiengaw mei chang mei pwan fiti propellant; ika
- (C) Ekkewe pisek ren an emon epwe tongeni siwini (convert) och sakopaten piseken afeiengaw usun mei affat asan, pachanong sakopaten pisekin afeiengaw mei mecheres ne for.

“Mwakken non mak” (Forgery) wewen:

- (1) An chon sukun epwe saini itan ese fakkun pwung, ika an epwe chok mwakken usun itan we;
- (2) An chon sukun epwe makkei ika kapi och mettoch, usun tikit ren sports ika och sokkun taropwe mei auchea.

“Peneian moni (gambling)” wewen angei ika fori och mettoch mi fiti moni fanitan met kopwe angei nesopwonon ewe angang an ika a wes esapw fan nemenian emon ika ar mochen, ew atipeew ika mettochun sinei an emon epwe angei och mettoch nge mi monatiw ren met epwe angei murin. Gambling ese pachenong ennetin angangen business mi eoch fan ewe annuk ren contracts, mi pachenong nge ese pwan aukuk ngeni contracts ren ar repwe meeni ewe sale ren ewe fansoun mi affat ren tumwunun ika mettochun, me ewe atipeew ren niwinin met mi nus a feito seni met mi fis, mi pachenong nge esapw pwan keuk ngeni contracts ren appetin ika guaranty ren an life, health, ika accident insurance.

“Gender expression” wewen napanapan an emon epwe fori an epwe asokano napanapan ngeni och sakkun, a feito seni mwokutukutun, pisekin/ufan, forun mokuran, napanapan, mongungun, ika nonomwun.

“Gender identity” wewen mochenin emon, anononun an mochen epwe emon mwan ika fefin, ika ekkoch, ese pwan nefinifin ika mi sokono seni ekkoch ika an pusin upwutiw. Meinisin mi pusin affat ir met ika ar “gender identity”.

“Turunufasei aramas” wewen sakopaten namaiki, okkoun fengen, amangaw, fofor mei ngaw ngeni inisim emon chon sukun, pachanong sakopaten kapas, me mak mei tongeni ataiieno an chon sukun kinamwe. Turunufas wewen ekkei mei tetenetiw:

- (1) Ammeseku ika eniwa ngeni emon chon sukun an epwe niwokus ren;
- (2) Ataiieno an chon sukun kaeo ika fen pwan fori an chon sukun resap chiwen mochen kaeo ren; ika
- (3) Ataiieno kinamwen me angangen ewe sukun.

“Hazing” wewen och sakopaten fofor mei ngaw faniten an emon epwe choni och mwich ika gang nupwen ekkewe fofor engaw epwe afeiengawa inis ika ariafoua mokur non nenien sukun, ika ekkewe nenii pwan an pwutai won ekkewe sein pwutai pwan tori ekkewe nenii meinisin mei fis an ekkewe sukun angang me urumwot ie, ren non nenien sukun ika fen pwan nukun. Lei sakkun fofor ese mumuta mei pwan atai annuk, nge esapw ikei chok met mi weneiti, usun wichiwich, wopowop, echimwa an emon epwe mwongo och sakopaten mwongo mei engaw, echimwa an emon epwe unumi och sakopaten saffei afeiengaw, pwan iteiten sakopaten fofor mei tongeni opuni aramas ren inisir ika mwakurer meinisin, pachanong echimwa an emon esapw tongeni meur ika asoso, fotekki ika kanapusei ewe aramas, ika och sakkun fos mei tongeni esinipato maakkus me mafen.

“Hi-jacking” wewen nupwen fansoun chon sukun epwe ekingawa aramas ika eriani aramas ren an epwe tongeni angamwaani senir.

“Niimanaw” wewen nupwen fansoun an emon epwe niieno emon aramas tori an epwe maano.

“Fofor ese pwung ren piseken kompiuter me ossos ikenai” wewen nupwen fansoun chon sukun an epwe atai annukun state me pekin sukun usun mei afat non aureuren ewe pwutai (“technology guidelines”). Lei sakkun fofor ese mumuta mei pwan atai annukun ewe pwutai, nge esapw ikei chok met mi weneiti, poutano ekkewe filters ren kompiuter, aeani och sakopaten prokramen peneian moni (gambling), sona ika angei och sakopaten kon (music) ese mumuta, pwan pachenong och sasing mei atai annukun ewe pwutai.

“Safei mei afeiengaw/drugs” wewen ekkewe safei ese mumuta ren an emon epwe angei, kamengeni ika wuwei ngeni aramas, unumi, ika an epwe efisi och sakopaten safei mei afeiengaw, iwe ekkei annuk mei mak non ewe kinikin 329, Hawaii Revised Statutes pwan kinikin 712, masowan IV, Hawaii Revised Statutes.

“Aninis in appet non fansoun atapwanapwan” wewen foforan emon me emon mi chok katou mwitir, nge esapw napeseni fik-me-ru awa me murin ewe komplein, me ren me ru ika ewe komplein ika chon pachenong non ewe komplein ika chon apponuwa epwe tufich an epwe appeti ewe chon sukun seni foforangaw, mi pachenong esiit, turunufas ika namaiki, pachanong esiit ngeni emon anongonong won meeni fonuan, i emon at ika nengin, terin, ika pwan ekkoch sakkun foforan turunufas me namaiki. Mwitirin omw pachenong ren aninis epwe katou me mwan ewe chosa ika nupwen ewe chosa epwe ururuno. Mwitirin aninis me appet esapw aururano ewe chosa epwe pachenong counseling, taman fansoun ika ekkoch mettoch epwe for, foforan angang ika class schedules, aninis amwen on campus, tichikin annuk nefinan ekkewe kiniin, omw asosono, awateno pekin security me tuwunun ekkoch neni on campus, ika ekkoch mwokututukut epwe wewe ngeni ei/ekkei. Mwitirin aninis me appet epwe pwan nomw on nenian seni ewe kinikin ren ew me ew keis och tipitipin angang me murin ar angei porausan ewe komplein me mwan ekkoch mettoch epwe katou — non pekin chosa, emmiritin chon sukun, ika pwan ekkoch aninis in kaeo — a fen fis. Ei aukukun epwe meni fori an epwe anomwu an ewe chon komplein nonomwun me sineian non sukun, fori tumwunun meinisin me unusan ewe kinikin, epwe anomwu ennetin foforan angangan chosa, me/ika aukatiw angangan fiu sefan ika eniwini foforungaw. Mwitirin aninis me appet

epwe chok kawor seni meinisin pekin angangan chosa. Repwe meni siwini ekkoch mwokutukut an epwe murino ika uwau sopwosopwun met ir mei angei.

“Prokramen kaeo fani ten fofor mei engaw” wewen nupwen chon sukun an epwe atai annuk ika an epwe nukumach iwe epwe namot pwe epwe fiti och prokramen kaeo pwe ewe chon sukun epwe fofor mei murrinno. Awewen ewe osukun ren emon me emon chon sukun (individualized instruction) mi pachenong nge esapw keuk ngeni ewe mwokutukutun aninisin angang, foforan mwokutukutun angang ika kaeo ngeni pekin sinei, ika kachu fengenin ewe mwokutukut.

“Euwengaw” wewen nupwen chon sukun epwe atai annuk ika ewuwengaw ngeni emon sense, ofiser, ika emon chon angangen ewe pwutaiin sukun.

“Kounon sukun nge chiwen fiti mwichen kaeo” wewen nupwen chon sukun atai annuk, nge esapw fakkun kounon fiti sukun, nge epwe chok siwin ne fiti pwan ekkoch class ika ekkoch mwichen kaeo ren an kaeo epwe tongeni sopoloponon.

“Interim alternative educational setting” ika “IAES” wewen ew prokramen aninis mei “temporary” fani ten chon sukun mei suspended ika kounon fiti sukun anonganong won an atai annuk me non sukun, iwe a kawor och sakopaten mwichen kaeo pwe epwe chiwen sopolopan kewe mwichen kaeo usun met a fen mak won an chon sukun kokkotun sukun ika IEP.

“Unumi och sakopaten sakau” wewen nupwen emon epwe aeani ika unumi och sakopaten mettoch epwe torongki ren, pachanong nge esapw pwan aukuk ngeni sakau ika safei mei afeiengaw.

“Laser pen/pointer” wewen efoch laser mei kawor saram ika och saramen laser mi par iwe ese mumuta an emon epwe eaea ika nounou non sukun tiwan chok ika epwe akomw angei mwumwuta seni ewe pwuati. Ika emon chon sukun ese angei an mumuta, iwe esapw tongeni aeani non nenien sukun, ika ekkewe nenien pwutai, pwan an pwutai won sein pwutai, pwan tori ekkewe nenien meinisin mei fis an ekkewe sukun angang me urumwot ie ren non nenien sukun ika fen pwan nukun.

“Tou seni sukun nge ese mumuta” wewen nupwen emon chon sukun epwe suno ika tou seni och sakopaten nenien sukun nge ese akomw angei an mumuta seni ekkewe chon meinapen sukun.

“Kirikirengaw ese watte” wewen nupwen chon sukun a nukumach fan ew chok, iwe, esapw pwan fakkun watte tipisin, ika watten efeingawan.

“Mail” ika “mailed” wewen ekkoch sakopaten taropwe mei tin non:

- (1) Posto;
- (2) “Certified mail”; ika
- (3) Posto nge a wor pwan tingor ren “risit”.

“Kirikirengaw mi kukkun” wewen nupwen emon chon sukun epwe atai annuk, nge esapw fakkun tekia tipisin usun ekkei mei tetenetiw fan:

- (1) “Meninimang/mwaaneias/u-ngen” wewen nupwen chon sukun an esapw aneasochisi emon sense ika chon angangen sukun;
- (2) “Mesemesekkis” wewen nupwen chon sukun an epwe ekkis nukumach, nge esapw fakkun watte;
- (3) “Atai annukun uuf” wewen nupwen chon sukun esapw aneasochisi ekkewe annukun uuf usun mei afat seni ewe sukun;
- (4) “Kapas mei engaw” wewen nupwen chon sukun an epwe kapas och sakopaten porous esapw mwurrino;

- (5) “Atapa inis ese pwung” wewen nupwen chon sukun an epwe atapa pwan emon chon sukun nge esapw fakkun tufich ren;
- (6) “Tumunungaw pisek” wewen nupwen chon sukun an epwe tumunungaw och mettoch ika och sakopaten piseken nenien sukun;
- (7) “Mang” wewen nupwen chon sukun epwe tonong sukun murin a fen poputa, me esapw tonong sukun non kunok mei pwung, nge epwe chok mang;

“Maama” wewen nupwen chon sukun an epwe tumunungawa ika ekingawa ngeni aramas, pisek, nen, pwuk, pwan iteiten sakopaten mettochen, ika pisekin sukun.

“Parent” wewen sam ika iin ika siwinin sam me iin (legal guardian) ika och sakkun chon tumunun ewe chon sukun. Ren chon sukun 18 ierir feita, meinisin pwung seni iin/sam epwe no ngeni ewe chon sukun, tori minne ewe ossen ika ekkewe ossen iin/sam, me chon tumwun, ika ekkoch pwan chon angei ar mumuta ar repwe nomw fan nemenier repwe watiw ar pwung ngeni ewe chon sukun.

“Atai pisek ika nen” me “vandalism” wewen:

- (1) Ngawono piseken sukun ika piseken aramas;
- (2) Ngawono nenien sukun ika imw; ika
- (3) Ngawono taropwe, ID cards, (mwongo) meal cards pwan och sakopaten piseken sukun meinisin.

“Anonganong won nonomwun” ren auchean ei kinikin mi pachenong, chon ian, anuwan inis, namanam, en emon at/nengin, “sexual orientation”, “gender identity”, napanapom, ierum, chon ian ika fonuom, omw newo, terum, kikinikum me mwokutukutumw me nonomwum.

“Aninis ika Remedies” ew me ew angang mi kawor nesopwonon ewe chosa an epwe apochokuna nonomwun ewe osukun ika fori tumwunun meinisin chon sukun me non usunan ewe community. Aninis chon sukun epwe pachenong, nge esapw pwan aukuk ngeni, foforan ekkewe schedules me angangen sukun, me angangochun kaeo, semwen me aninis ekiek.

“Fonou mei mwakken” wewen nupwen chon sukun an epwe mwakken usun och sakopaten fonou ika osukosuk esapw fakkun fis; ika an epwe tiki ewe fire alarm ika kokori ew “fire department”, ika pwutaiin muun, ika och sakopaten ofesIn aninis emergensi nge mei mwakken chok.

“Aniwini” wewen nupwen chon sukun an epwe ngawono ika atai pisek, iwe epwe namot pwe epwe aniwini pisek ika moni ngeni ewe State an Hawaii pwe epwe pwung ren, anonganong won met ewe/ekkewe mettoch mei poutuno, ngawono, ika fen tano.

“Fiu sefan ika eniwini foforungaw” wewen appeti foforan emon chon sukun ren ar pachenong non ew mwokutukut. Och mwokutukut mi pachenong ar repwe faelini ew kompletin ren esiit, turunufas (pachenong turunufas nefinen emon at ika nengin), ika namaiki; mi nomw non ew kompletin ika chosa ren esiit, turunufas (pachenong turunufas nefinen emon at ika nengin), ika namaiki; fanitan met mi pwung fan ei kinikin; ika pwan appeti met mi nom fan ei kinikin. Ngawan mwokutukut ew mwokutukut an epwe awangapwanga emon aramas seni an fori me anisi ew kompletin fan ekkei annuk. Angei sefan ika fiu sefan/eniwini foforungaw ika mettoch esapw mwumwuta nupwen epwe wor och mwokutukut epwe murino.

“Sona fiti pochokun” wewen nupwen chon sukun an epwe angei non pochokun, ika sona och mettoch seni pwan emon chon sukun:

- (1) Foforungaw ngeni aramas, ika niieno aramas, ika pwan och sakopaten fofor afeiengaw ngeni aramas; ika
- (2) Foforungaw ngeni aramas nupwen a kawor och piseken afeiengaw ika esor piseken afeiengaw:
 - (A) Echimwa ngeni ewe aramas pwe epwe tongeni sona Ika angei seni och pisek pokiten an pochokun me kirikiringaw;
 - (B) Amosoku me riaffou ngeni aramas pwe epwe mecheres ne angei ika sona och mettoch; ika
 - (C) Afeiengaw ngeni inisin aramas.

“Sukun” ika “sukunen muun” wewen nenien och sakopaten mwichen kaeo, ir meinisin mei nonom fan nemenem an annukun state.

“Pwuken sukun” wewen iteiten pwuk seni sukun ika library ren emon aramas epwe tongeni anea me kaeo ren.

“Chon meinapen sukun” wewen ekkewe chon angangen pwutaiin sukun mei nap, usun ewe principle, sense mei nap, angangen ofes, an sukun polis, counselor, pwan och sakopaten chon angang mei auchea. Ese pachanong ekkewe chon angang mi contract ngeni ewe sukun.

“Tipisin sukun” wewen pun ekkewe fofor ese pwung mei fis non ewe nenien sukun, ika ekkewe neni pwan an pwutai, won ekkewe sein pwutai, pwan tori ekkewe neni meinisin mei fis an ekkewe sukun angang me urumwot ie, ren non nenien sukun ika fen pwan nukun.

“Annukun sukun” wewen ekkewe annukun fofor mei pwung pwan fofor mei ngaw ren chon sukun.

“Chon angangen sukun” wewen iteiten sense, chon officer, pwan och sakopaten chon angang fan iten ewe pwutai.

“Chosa” wewen nupwen emon chon chosa ika chon meinapen angangen sukun ika epwe tongeni chosa ika a kawor och mettochen afeiengaw non piseken emon chon sukun, iwe epwe tongeni kutta ren safei mei afeiengaw/drugs, pistol ika piseken pistol pwan och sakopaten piseken afeiengaw meinisin usun met mei afat non annuk, iwe mei mumuta pokiten annukun ei kinikin pwe epwe tongeni chosa non an chon sukun pwees, packpack, uuf, sekit, suus, sitakin ika och sakopaten ufouf pwe epwe sinei ika a kawor mettoch ese pwung.

“Tur” wewen nupwen emon chon chosa epwe kuna pisek mei afeiengaw non fansoun an epwe chosa ren, iwe, epwe tongeni tur mwitir pwan angei ena pisek mei afeiengaw.

“Watte emmiritin” wewen nupwen epwe wor fansoun epwe kawor ren an chon sukun re kouno fiti sukun, kounon fiti sukun non atapwanapwan (crisis removal), me tou seni sukun (suspen) pwe repwe ponuweni ewe pwung mei nape seni engon raan ika ese nape seni engon raan non ew semester.

“Tipisin nissou mei echimwa” wewen foforungaw ika nissou ngeni emon, epwe ngeni chiechiom ika emon kose sisinei. Fofor esapw eoch nupwen esapw feito seni mefian ewe aramas, ika nupwen ewe aramas esapw mumuta me tipeew ngeni. Mumuta wewen mwut ngeni, sinei ika mochen, me pusin tipeew ngeni met mi fis fanitan mwokutukutun nissou. Ika emon chon sukun epwe nomw non foforungawan nissou nge ierin mi kukun seni met mi mumuta fan pwungun

annuk, epwe wewe ngeni “esapw mumuta”. Tipisin nissou mei echimwa mi pwan chok ew foforun turunufas nefinen emon at ika nengin.

“Nounou aramas repwe nissou” wewen foforungawan angangan nissou nefinan emon, ika fori met mi ngaw ngeni emon nge esapw ren mumuta me ika ekkoch fofor esapw kinikinin foforun nissou. Mumuta wewen mwut ngeni, sinei ika mochen, me pusin tipeew ngeni met mi fis fanitan mwokutukutun nissou. Ika emon chon sukun epwe nomw non foforungawan nissou (nounou aramas repwe nissou) nge ierin mi kukun seni met mi mumuta fan pwungun annuk, epwe wewe ngeni “esapw mumuta”. Nounou aramas repwe nissou ew foforun turunufas nefinen emon at ika nengin.

“Turunufas nefinen emon at ika nengin” wewen ekkoch foforungaw ese eoch, ika fos mi ngaw ika pwomen angang ese eoch ngeni emon nefinan emon at ika nengin. Turunufas nefinen emon at ika nengin mi tongeni pachenong ar mochen fori foforungaw ika tou seni och fofor mi ngaw mi pwan angawa an emon chon sukun esapw fiti ekkewe kinikinin prokram, mwmokutukut ika angang; ika nupwen ra tonong non ika chipwang ngeni mi pwan fori an epwe angawa an ewe chon sukun kaeo me fiti ekkei programen pwutai, mwokutukutuk, ika angang. Turunufas nefinen emon at ika nengin mi pwan pachenong, nge esapw keuk ren, foforungaw, foforungaw ese ketiw, tungorun mochen nisou, ika non fos, esapw non fos, ika foforun nissou. Mei pwan tongeni pachenong atapw, porausan amichimich, kapas urumwot fanitan nissou, mak ika chunga non met mi ngaw, sassing ika makkan mettoch, kokori ngeni chon sukun och it mi ngaw, aporausa poraus fanitan nissou, auku mwokutukutun chon sukun, ika fori iteitan, pwari ika fori ekkoch email ika website ren foforun mettoch mi anioput. Nounou aramas repwe nissou me tipisin nissou mei echimwa ir mei nomw fan awewan ewe turunufas nefinen emon at ika nengin.

“Sexual orientation” wewen an emon memef me nikinikin ngeni och mettochun nissou ngeni emon aramas anonganong on ir emon nengin ika at. Och awewan ei sexual orientation a pachenong, nge ese pwan keuk ngeni, heterosexual/emon mi straight, at mi winin nengin, nengin mi winin at, me emon mi wor ren pisekin at me nengin. Sexual orientation me “gender identity” ir mi sako fesen.

“Un ika koi supwa” ika “aea tamaak” (tobacco) wewen nupwen chon sukun an epwe pwisen iso, angei ika kamo och sakopaten tamaak ika och sakopaten supwa non nenien sukun, ika ekkewe neni pwan an pwuta won ekkewe sein pwutai pwan tori ekkewe neni meinisin mei fis an ekkewe sukun angang me urumwot ie, ren non nenien sukun ika fen pwan nukun.

“Nikatapw” wewen ru ika chommong fofor ese eoch, mi awenewen ngeni emon aramas mi ossen fori an epwe afeiengawa, angawa netipan, ika ekiekin an epwe nuweiti ika fori an epwe eniwa me angawa nonomwun.

“Strip search” wewen kut, mi mwumwuta pwiniti seni ufan, ren ei mi pachenong seneno, pwarano oupwun ewe fefin, ika pwinit seni an panchu.

“Kounon fiti sukun” wewen nupwen emon chon sukun epwe kouno fiti sukun ren och fansoun atun ewe ierin sukun.

“Switchblade naif” wewen och sakopaten naif mei tongeni suuk mwitir:

- (1) Mei tongeni suuk ren tiki och button won paachan; ika

- (2) Mei tongeni pwisen suuk ren mwokutukut chok.

"Kapasen fiu me enimukus" (terroristic threats) wewen:

- (1) Nupwen chon sukun epwe kapas och sakopaten kapasen fiu ika enimukus ngeni emon aramas, ika nupwen epwe kapas usun och sakopaten afeiengaw ngeni inis, pisek, ika nen;
- (2) Nupwen epwe kapas usun och sakopaten kapasen namaiki ika enimukus, ika nupwen epwe mwakken usun och mettoch ese pwung pwe epwe tongeni otupwu, omworu ika ammeseku aramas tori ar repwe suuno seni nenien sukun, mwichen sukun ika sein public; ika
- (3) Nupwen epwe nouni och sakopaten pistor ika piseken afeiengaw nge ese wesetan ika epwe chok "urumwot ika mwakken" usun.

"Sona" wewen:

- (1) Nupwen chon sukun epwe angei, ika echimwa ngeni, och sakopaten piseken aramas nge esapw mumuta ren;
- (2) Nupwen epwe angei, ika echimwa ngeni, och sakopaten pisekin aramas ren an mwakken ngeni pwe epwe tongeni angei och sakopaten mettoch ika pisek seni;
- (3) Nupwen epwe angei, ika echimwa ngeni, och sakopaten pisekin aramas nge esapw pwisen noun ika mei fen poutuno, ika mei fen delivered ngeni pwan emon nge esapw wesewesen noun, ika pwan ekkoch fofor ese kon pwung, iwe mei fakkun foforungaw ika epwe chok angei mwitir, nge esapw achocho ne sinei io ena pisek mei noun io;
- (4) Nupwen epwe mwakken pwe epwe fori, angei, ika fiti och sakopaten aninis, ika fofor mei kamo, nge esapw kamo ren;
- (5) Nupwen epwe mwakken pwe epwe angei och sakopaten aninis ika an epwe tongeni choni ika fiti och sakkun pekin aninis ika prokramen sukun nge ese mumuta ren an epwe fiti;
- (6) Nupwen esapw aucheani ne eniwini moni ngeni emon:
 - (A) Mei atai annuk ika epwe tipeew fengen, uwei ngeni kapwung, kamo ika satuni ne kamo och sakopaten pisek seni emon aramas, nge esapw fakkun eniwini moni ngeni ewe aramas ren, nge epwe chok aeani ika nouni ekkewe pisek ika mettoch; ika
 - (B) Mei atai annuk ika epwe chok mwakken pokiten an epwe tongeni angei och sakkun pekin aninis ika tipeew fengen me emon chon angang ika atai taropwen pwon ika och sakopaten taropwen tipeew, pun ese mochen eniwini moni, ika epwe fen mang ne eniwini moni ngeni ewe aramas;
- (7) Nupwen epwe angei, isoni, ika poutano pisekin emon, nge a men sinei pun ewe pisek mei fen sona, nge murin epwe pwan kamongeni emon pwe epwe angei moni ren; ika
- (8) Sona seni sitowa:
 - (A) Nupwen epwe omwona pisek ika angei pisek seni och sakopaten sitowa ika sitowa mei nonom non nenien pwutai, pwe epwe ekkis mecheres ne sona och mettoch;
 - (B) Nupwen chon sukun ewe siwini ewe "price tag" won och sakopaten mettoch ika pisek seni och sitowa ika och sitowa mei nonom non nenien pwutai [in education], pwe epwe ekkis

mecheres ne sona och mettoch; ika

- (C) Nupwen chon sukun epwe suuki ekkoch pwor ika package non
ewe sitowa pwe epwe tongeni siwini ekkewe pisek, pwe epwe
ekkis mecheres ne sona och mettoch.

“Tomwan” wewen nupwen chon sukun epwe tonong ika nonom non
nenien sukun nge ese angei an mumuta, mei pwan wewen nupwen emon chon
sukun esapw aneasochisi ekkewe annukun chon meinapen sukun ika police.

“An emon esapw fiti sukun” (rikino) wewen nupwen chon sukun esapw
chiwen fiti an kewe class ika sukun, iwe esapw pwan angei an mumuta seni ewe
principal ika emon chon angang. [Eff 9/1/82; am 5/23/86; am and comp 7/19/93;
am and comp 5/19/97; am and comp 2/22/01; am and comp 9/10/09; am and
comp NOV 17 2019] (Mumutan: HRS §302A-1112) (Imp: Hawaii Const. Art. X,
§3; HRS §§302A-101, 302A-1101, 302A-1112, 302A-1134, 302A-1134.5)

§8-19-3 Tufichin. (a) Ekkei annuk non ei kinikin ika tetenin napanap mei
nom ren iteiten chon sukun mei fiti sukunen muun, iwe ekkei annuk mei nom non
ewe ieren sukun, ika fansoun mei kawor ngeni chon sukun, pwan non fansounen
summer school, ese pwan nefinin, iwe faniten ekkewe chon sukun ir repwe fiti
“boarding school”, iwe, mei auchea pwe ir repwe angei taropwen tipeew seni sam
me iin pwe repwe tongeni nonom non “dorm” non nenien sukun, iwe, ir repwe
pwan aneasochisi ekkewe annuk.

(b) Ekkei annukun Hawaii mei pwan nonom faniten chon sukun mei
kawor och terin non inisir/mokurer ika handikap pwe epwe pwan tongeni fiti och
sakopaten class ren “special education” usun mei affat non ekkewe kinikin.

(c) “Principal” ika “chon angang” me non subchapter 2 e pwan wewe
ngeni ekkewe mei nap, pachanong meinapen non summer school me chon
angangan emmiritin chon sukun atun summer school. Nupwen a era “ewe ieren
sukun” me non ei kinikin mei pwan wewen sukunun summer ika summer school.

(d) Annukun emmiritin chon sukun atun summer school mei nonom non
ewe kinikin itan subchapter 3. Annukun emmiritin chon sukun mei kawor special
education ika aninisin handikap atun summer school mei nonom non ewe kinikin
(chapter) itan subchapter 2 non ekkewe Annukun Hawaii ren chon sukun mei
kawor terir ika handikap.

(e) Annukun kinikin 8-34, mei nom ren meinisin osukosuk nefinen chon
sukun me chon meinapen sukun o mei pwan nom ren tichikin an chon sukun
fofor. Soposopun, annukun chon sukun mei kawor special education ika aninisin
handikap epwe nonom non ei annukun anapwungun Hawaii.

(f) Annukun ei kinikin mei nom fanasengasen kounon fiti sukun,
emmiritin chon sukun, ika an chon sukun pakking fansoun a tumwunungaw, atai
ika angawa pisekin muun.

(g) Annukun ei kinikin mei nom fanasengasen foforen an police nupwen
fansoun epwe chosa, ika arres, emon chon sukun.

(h) Ren soposopun porousan tichikin fofor ika tipis nefinen emon mei
mwuk me emon chon sukun, ka tongeni katon kinikin 8-89. [Eff 9/1/82; am
5/23/86; am and comp 7/19/93; am and comp 5/19/97; am and comp 2/22/01; am
and comp 9/10/09; am and comp NOV 17 2019] (Mumutan: HRS §302A-1112)
(Imp: Hawaii Const. Art. X, §3; HRS 302A-1101)

§8-19-4 Kapachen me aimwuun nounoun nupwen ew annuk mei ta.

Ika ekkoch aninis ren ei kinikin ika ewe taropwe ngeni emon me emon ika mwokutukut epwe mwaan, ewe mwaan esapw angawa an ekkoch aninis ika mettochun ei kinikin mi tongeni katou me nukun ewe aninis mi mwaan ika mettochun, iwe tori nesopwun, aninisin ei kinikin epwe fis. [Eff 5/23/86; comp 7/19/93; comp 5/19/97; comp 2/22/01; comp 9/10/09] (Mumutan: HRS §302A-1112) (Imp: HRS §302A-1112)

§8-19-4.1 An chon sukun pwung ngeni (privacy) monomon. (a) Poraus mi wewe ngeni komplein, chosa, me ekkewe report repwe mwonomwonono nge repwe chok katou ngeni ekkoch re fori angangan ewe investigation me mwokutukut on ewe angang ika finatan kapwung.

(b) Porausan pwarata fanitan emon chon sukun esapw katou ika resapw asinei ngeni iin/sam ika chon tumwunur.

(c) Porausan chosa epwe nomw seni ewe pwutai mi eimwu seni ewe/ekkewe rekotun sukun. [Eff NOV 17 2019] (Mumutan: HRS §302A-1112) (Imp: HRS §§302A-1101, 302A-1112)

SUBCHAPTER 2

AN CHON SUKUN FOFOR ESE PWUNG IKA EMMIRITIN CHON SUKUN ATUN EWE IERIN SUKUN

§8-19-5 Emmiritin chon sukun; pochokunen ewe annuk. (a) Kounon fiti sukun non fansoun epwe nape seni 10 raan atun ew semester, pwan tichikin ewe pwung mwen an epwe pwunguno katoun chon sukun, siwinin emimiritin chon sukun, tou seni sukun, pwan ekkoch osukosukan non sukun ika kounon fiti sukun non atapwanapwan (crisis removal), iwe mei namot pwe ewe mastan ewe nenien sukun epwe pwisen finata usun ekkei sakopaten napanap pun mei napanap tekia.

(b) Kounon fiti sukun non atapwanapwan (crisis removal) pwan suspen seni sukun nupwen epwe kis seni 10 raan, iwe epwe tufich pwe ewe principal ika meinapen sukun epwe finata faniten ei sakopaten osukosuk.

(c) Non fansounen emmiritin chon sukun, mei namot pwe ewe principal ika meinapen sukun epwe kapas ngeni ewe chon sukun mei atai ekkei annuk, pwe epwe tongeni sinei popun me ekieken, epwe pwan sinei ika tipisin mei kukkun ika mei tekia, pwan epwe sinei ika i chok pwisen fori ewe tipis are ika mei wor pwan ekkoch chon sukun ir ra pwan fiti ne fori ewe foforungaw (usun och gang), epwe pwan sinei fite ieren, iwe epwe pwan tongeni sinei ika i a fen atai annuk me mwan ika ese mwo atai annukun sukun tori ei fansoun. [Eff 9/1/82; ren §8-19-4, 5/23/86; am and comp 7/19/93; comp 5/19/97; comp 2/22/01; am and comp 9/10/09; comp] (Mumutan: HRS §§302A-1112, 302A-1002) (Imp: HRS §§302A-1112, 302A-1002)

§8-19-6 Foforen chon sukun ese pwung; tetenin ekkewe fofor. (a) Ei tetenin fofor ese pwung mei nom ren iteiten chon sukun ir ra fiti sukunen muun meinisin, iwe ekkei annuk mei pwung non nenien sukun, ika ekkewe neni pwan an pwutai, won ekkewe sein pwutai, pwan tori ekkewe neni meinisin mei fis an ekkewe sukun angang me urumwot ie, ren non nenien sukun ika fen pwan nukun.

- (1) Tetenin Annuk A:
- (A) Kawet;
 - (B) Namaiki (fan iten chon sukun non mwich 9-12);
 - (C) Sona ika Toomwaaninong Non Nenien Emon;
 - (D) Namaiki non asepwan/kompiuter (fan iten chon sukun non mwich 9-12);
 - (E) Ekkewe pisek mei tongeni afeiengawa aramas; pwisen nouni ika aeani;
 - (F) Ekkewe piseken fiu mei tongeni afeiegawa aramas; pwisen nouni ika aeani;
 - (G) Piseken safei mei afeiengaw; pwisen nouni, aeani, ika kamengeni aramas;
 - (H) Angei non pochokun;
 - (I) Fifiu;
 - (J) Sakopaten piseken afeiengaw ren pistor; pwisen nouni ika aeani;
 - (K) Turunufas (fan iten chon sukun non mwich 9-12);
 - (L) Niimanaw;
 - (M) Saffei mei afeiengaw/drugs; pwisen nouni, aeani ika kamengeni aramas;
 - (N) Och sakopaten sakau; pwisen unumi, aeani, ika kamengeni aramas;
 - (O) Atai pisek ika nen;
 - (P) Sona fiti pochokun;
 - (Q) Tipisin nissou mei echimwa;
 - (R) Nounou aramas repwe nissou;
 - (S) Turunufas nefinen emon at ika nengin (fan iten chon sukun non mwich 5-12);
 - (T) Nikatapw; ika
 - (U) Kapasen fiu me enimukus.
- (2) Tetenin Annuk B:
- (A) Namaiki (fan iten chon sukun non mwich K-8);
 - (B) Namaiki non asepwan/kompiuter (fan iten chon sukun non mwich K-8);
 - (C) Nifinifin Aramas;
 - (D) Fofor ese pwung;
 - (E) Fonou mei mwakken;
 - (F) Mwakken non mak;
 - (G) Peneian moni (gambling);
 - (H) Turunufas (fan iten chon sukun non mwich K-8);
 - (I) "Hazing";
 - (J) Fofor ese pwung non internet/kompiuter, ika piseken internet ika piseken ossos ikenai;
 - (K) Angangan fiu sefan ika eniwini foforungaw;
 - (L) Turunufas nefinen emon at ika nengin (fan iten chon sukun non mwich K-4);
 - (M) Sona; ika
 - (N) Tomwan.
- (3) Tetenin Annuk C:
- (A) Kapas mei ngaw;
 - (B) Etiwano sukul;
 - (C) Ewuwengaw;

- (D) Laser pen/laser pointer; pwisen nouni ika aeani;
 - (E) Tou seni sukun nge ese angei mumuta;
 - (F) Un ika koi supwa ika aea tamaak (tobacco); ika
 - (G) An emon esapw fiti sukun (rikino).
- (4) Tetenin Annuk D:
- (A) Pisek ese mumuta; pwisen nouni ika aeani;
 - (B) Kirikirengaw mi kukkun; ika
 - (C) Pwan ekkoch annukun sukun.
- (i) Och sakopaten annuk meinisin repwe mak non annukun ekkewe sukunen muun. Iteiten sukun repwe makkei ekkei annuk, pwan nupwen mei kawor pwan ekkoch annuk ese mwo mak non ei tetenin annuk, iwe, ekkewe sukun repwe kan makketiw non ar kewe tetenin annuk, pwe aramas meinisin repwe tongeni aneani ekkei tetenin annuk A tori tetenin annuk D seni ei kinikin.
 - (ii) Nupwen a kawor pwan ekkoch annukun sukun ese mwo mak non ei kinikin, iwe esapw fis emmiritin chon sukun ren ekkewe annuk pokiten ekkewe annuk mei nonom fan tetenin annuk D.
- (b) Iteiten chon sukun mei pwisen nouni pistor ika och sakopaten nikosuk epwe kounon sukun nepe seni ew ier. Epwe tou fochofoch, wewen pun a pwunguno pwung pun ewe chon sukun a atai annuk, iwe epwe tou seni sukun non ewe atun a katou ewe pwung tori omuchunon ewe ieren sukun e tou seni ika esapw kukkun seni ew unuse ier ika pun ewe annuk mei pachenong piseken afeiengaw non. Ese mumuta ren och sakopaten pistor epwe nom non nenien sukun, ika ekkewe nen i pwan an pwutai won ekkewe sein pwutai pwan tori ekkewe nen i meinisin mei fis an ekkewe sukun angang me urumwot ie, ren non nenien sukun ika fen pwan nukun. Epwe mumuta pwe ewe Junior Reserve Officer Training Corp (JROTC) repwe tongeni nouni och sakopaten pistor mei mumuta, o mei pwan kawor mwichen kaeo ren pistor mei mumuta. Iwe, ika emon chon sukun mei atai ekkei annukun nouni/aneani sakopaten pisekin fifiu/pistor, epwe namot pwe emon mastan ewe nenien sukun epwe apwunga o finata met epwe fis ren. Ika emon chon sukun epwe kounon sukun, epwe kawor och sakopaten siwinin angangen sukun ika fen pwan aninis ngeni, usun mei affat nonaureurun ei kinikin 8-19-11.
- (c) Epwe atai annukun sukun nupwen emon chon sukun an epwe nouni, aneani ika kame piseken afeiengaw, ika nouni "switchblade" naif ika och sakkun naif ese mumuta, ika an epwe unumi och sakopaten sakau, ika safei mei afeiengaw/drugs, iwe, i mei fakkun atai annukun sukun ren ekkei sakopaten fofor o epwe tongeni kounon fiti sukun non ukukun tiwe-me-ruu raan. Ika emon chon sukun epwe unumi och sakopaten safei mei afeiengaw/drugs ika och sakopaten sakau tori an epwe torongki nge murin epwe tonong non sukun atun an chiwen torongki, iwe epwe atai annukun sukun, iwe ese pwan mumuta ren an chon sukun epwe torongki non nenien sukun, ika ekkewe nenien ewe pwutai, won ekkewe sein pwutai, pwan tori ekkewe nen i meinisin mei fis an ekkewe sukun angang me urumwot ie, ren non nenien sukun ika fen pwan nukun, iwe, epwe kounon fiti sukun ukukun tiwe-me-ruu raan me epwe pwan namot an emon meinapen sukun epwe fori och angangen chosa ika och sakopaten test pwe epwe testi ika i mei need aninis (ren substance abuse) usun mei affat non ewe kinikin 302A-1134.6(f), Hawaii Revised Statutes. Ewe mastan nenien sukun an epwe aneasochisi ekkei annukun tichikin an chon sukun fofor usun mei affat non ei kinikin, o epwe pwan ureni saman me iinan chon sukun pwe repwe sinei met a men fis. Ewe mastan nenien sukun

epwe pwan kori emon chon angangen “screening”, wewen emon mei tongeni testi ren och sakopaten safei afeiengaw, iwe epwe pwan angei appointment faniten ewe emon chon sukun. Nupwen ewe chon angangen test epwe testi ewe emon chon sukun, iwe, epwe esesine ngeni ewe mastan nenien sukun murin an results epwe wes, pwe epwe tongeni sine met sakopaten safei mei afeiengaw a fen aeani. Ewe mastan nenien sukun epwe pwan esisinei ngeni sam me iin, pwan ngeni ekkewe chon angangen imwen kapwung, iwe epwe pwan ngeni ewe sam me iin och taropwen tetenin ofes ren “medical insurance” pwe repwe tongeni sinei usun prokramen aninis ren osukosuken “substance abuse”. Atun ewe test, ewe chon angangen test epwe kapas eis ngeni ewe emon chon sukun, pwe epwe tongeni sinei ika i a men “low risk”, “high risk” ika “very-high risk”, wewen ika a men fakkun torongki ika ekkis chok. Ika mei wor namotan, ewe emon chon sukun epwe pwan fiti och sakopaten test mei tekia ren “substance abuse assessment”. Chekin eaean drugs/safei mei afeiengaw repwe katon ika ewe osukosukan substance abuse mi wor, ika mei wor, safei (treatment) ika aninis epwe pwan katou. Ika mei wor namotan, ewe emon chon sukun epwe pwan fiti och sakopaten test (assessment) mei tekia ren “substance abuse assessment”. Ekkewe chon angangen chosa fan iten an emon aramas osukosuken sakau/drugs mei pachanong ekkewe counselors ir mi naisen (certified substance abuse counselors (CSAC)), dokteren mokur/ekiek (psychiatrists), ekkewe meinapen kangof (advanced practice registered nurses (APRN)), dokterin memef (psychologists), pwan ekkewe social workers ir mi naisen (licensed clinical social workers). Mei tufich ren ewe principal ika emon chon angang epwe tongeni finata pwe emon chon sukun epwe kounon fiti sukun ukukun ew raan ika tori engon raan. Ewe mastan nenien sukun epwe finata pwe emon chon sukun epwe kounon fiti sukun ukukun engon raan feita. Non fansounen emmiritin chon sukun, mei namot pwe ewe principal epwe kapas ngeni ewe chon sukun mei atai ei annuk, pwe epwe tongeni sinei ekieken, epwe pwan sinei ika tipisin mei kukkun ika mei tekia, epwe pwan sine fite ieren, iwe, epwe pwan tongeni sine ika i a fen atai annuk me mwan ika ese mwo atai annukun sukun tori ei fansoun. Non fansoun chon sukun epwe kounon fiti sukun, iwe, ewe principal ika chon angang epwe amonota pwe epwe wor och sakopaten siwinin angangen sukun ika pwan och sakopaten aninis ren an epwe angei pwe epwe pochokun ren. Ika mei wor namotan an chon sukun epwe fiti och sakkun prokramen “intervention” ika “treatment services”, iwe, epwe tongeni fiti pokiten ei annukun anapwungun Hawaii faniten ekkewe chon sukun mei wor terir ika handikap, ika mei namot.

(d) Emmiritin chon sukun epwe fis ngeni iteiten chon sukun mei atai annuk ese pwan nefinifin, usun mei affat seni ekkewe chon nemeni o pwan fan pwungun ei kinikin 8-19-5, seni kinter tori grade engon-me-ruu. Mei kawor chomong sakopaten prokramen aninis me sakopaten mwichen kaeo faniten chon sukun repwe tongeni kaeo mettoch mei murrino pwe repwe kirikiroch. Iei tetenin ekkewe sakopaten foforen emmiritin chon sukun:

- (1) Mwischen emmiritin chon sukun;
- (2) Nom murin sukun;
- (3) Kounon fiti sukun non atapwanapwan (crisis removal);
- (4) Mwischen kaeo ren siwini an chon sukun kirikirengaw;
- (5) Kounon fiti sukun nge chiwen fiti mwischen kaeo;
- (6) Siwinin an emon chon sukun nenien sukun non fansoun mochmoch;
- (7) Umwuchen an chon sukun mumuta/feioch;
- (8) Mwich ren sam me iin;
- (9) Nom non ofesin sukun;
- (10) Kounon fiti sukun ukukun ew raan tori engon raan;

- (11) Kounon fiti sukun ukukun nape seni engon-me-ew raan;
- (12) Fiti sukun non raanen Ammon;
- (13) Siwini ika tou seni ewe sukun refiti;
- (14) Mumuta ren an chon sukun epwe fiti och prokramen kaeo;
- (15) Tou fochofoch; ika
- (16) Pakking.

(e) A pwan pachengeni ewe fansoun mei kawor emmiritin chon sukun, iwe, ewe emon chon sukun epwe pwan fiti emon counselor, usun non kinikin subsections (c) me (d).

(f) Epwe ekkis kukkun emmiritin chon sukun faniten ekkewe annuk mei nom non tetenin annuk D.

(g) Tou fochofoch esapw fis ngeni emon chon sukun pokiten an etiwano sukun.

(h) Foforen emmiritin chon sukun mei mak non ei kinikin subsections (c) me (d) epwe fis non unusen ew ieren sukun.

(i) Fan ekkoch, mei kawor och sakopaten emmiritin chon sukun epwe soposop tori ewe ieren sukun epwe etto ika pwe ewe fofor a fis non rue-me-ew raan seni ewe lasinon raanin sukun non atun ena ierin sukun. [Eff 9/1/82; am and ren §8-19-5, 5/23/86; am and comp 7/19/93; am and comp 5/19/97, am and comp 2/22/01; am and comp 9/10/09; am and comp **NOV 17 2019**] (Mumutan: HRS §302A-1112) (Imp: HRS §§302A-1112, 302A-1134, 302A-1134.5)

§8-19-7 Kounon fiti sukun non atapwanapwan (crisis removal). (a)

Nupwen emon chon sukun an epwe fori och sakopaten foforen afeiengaw, wewen och emerchensi ika atapwanapwan, emon principal ika chon angang mei tongeni mwitir atoua ewe emon chon sukun non atapwanapwan (crisis removal) non chok ewe raan ika ewe fansoun pokiten ika pun e nom epwe afeiengawa inisin ika chienan chon sukun, ei wewe a eto seni an ewe sukun mochen apochokuna an ekkewe chon sukun meinisin pwung ar repwe nom non kinamwe esap wor feiengaw epwe toriir.

(b) Non fansounen kounon fiti sukun non atapwanapwan (crisis removal), epwe auchea pwe ewe meinapen sukun epwe kori non tenefon mwitir o kapas ngeni saman ika iinan ewe emon chon sukun.

(c) Murin och kounon fiti sukun non atapwanapwan (crisis removal) ewe sam me iin repwe pwan angei seni ewe sukun echo taropwen tichikin an chon sukun fofor. Ewe taropwen kounon fiti sukun non atapwanapwan (crisis removal) epwe kawor ekkei mak/kapas:

- (1) Tichikin an chon sukun fofor, usun mettoch meinisin a fen fis unusen ewe foforungaw me popunapen an wor ewe kounon fiti sukun non atapwanapwan (crisis removal);
- (2) Tetenin annuk chon sukun a fen atai;
- (3) Mak usun emmiritin chon sukun; me
- (4) Epwe pwan mak ngeni iin me sam ika inet ewe mwichen arongarong epwe fis, pwan ie epwe fis ie. Echo kapian ei taropwe epwe pachenong ngeni ewe mastan nenien sukun meinisin. Mei pwan pachengeni pwe ewe principal ika chon angang epwe pwan kori non tenefon ngeni saman me iinan kewe.
- (d) Murin a wes fansounen kounon fiti sukun non atapwanapwan (crisis removal), epwe tufich pwe ewe emon chon sukun epwe pwan tongeni tonong sefan o fiti sukun.
- (e) Fansounen kounon fiti sukun non atapwanapwan (crisis removal), esapw nape seni engon raan, tiwenon chok ika epwe wor mwichen amwet ren

ewe mastan nenien sukun. [Eff 9/1/82; am and ren §8-19-6, 5/23/86; am and comp 7/19/93; comp 5/19/97; comp 2/22/01; am and comp 9/10/09; comp **NOV 17 2019**] (Mumutan: HRS §302A-1112) (Imp: HRS §302A-1112)

§8-19-7.1 Chosa fansoun a wor fofor ese pwung. (a) Non fansoun mei wor kounon fiti sukun non atapwanapwan (crisis removal) anonganong won och fofor, iwe, mei auchea pwe ewe principal ika chon angang epwe chosani ekkewe tichikin fofores chon sukun pwe epwe attitina met mei pwung o ennet fan iten ewe kounon fiti sukun. Ekkoch komplein ren esit, turunufas (pachenong turunufas nefinen emon at ika nengin), namaiki me/ika angangan fiu sefan ika eniwini foforungaw ra nomw non ewe annukun komplein me chosa ren kinikin 8-19-30.

(b) Nupwen epwe wor fansounen chosa, mei namot pwe ewe principal ika chon angang epwe achocho ne kori ewe sam me iin, iwe, epwe korir mwitir chok. Ika ewe principal ika chon angang esapw tongeni kapas ngeni ewe sam me iin, iwe, mei wor an mumuta ne sososop e na chosa. Ewe chosa epwe fis mwitir chok. Murin ewe chosa a wes, ewe principal ika chon angang epwe finata ika mei watte tipisin chon sukun ika mei kukkun chok, iwe ika ewe principal ika chon angang epwe finata nge a men watte tipisin, epwe mak echo taropwe fan iten ekkewe fofor meinisin, pachanong pisekin pwaratan ewe fofor, iwe ewe principal ika chon angang epwe pwan makketiw tichikin an chon sukun fofor, o pwan meeni sakopaten emmirit chon sukun epwe fis me nukun kounon fiti sukun non atapwanapwan (crisis removal).

(c) Ewe principal ika chon angang epwe mak taropwen tichikin an chon sukun fofor, o epwe pwan ngeni ewe iin me sam. Non fansoun ewe chon sukun ika sam/iin resapw tipeew usun e na tichikin fofor, iwe, repwe tungor ren mwichen amwet pwe ewe principal ika chon angang epwe tongeni affata ngenir met ekkewe tichikin fofor mei kawor seni ewe chon chosa/chon meinapen sukun. Mei pwan pachengeni non fansoun emon chon sukun ika sam/iin esapw pwan tipeew usun e na tichikin fofor, iwe, epwe pwan tongeni pwarata meefian usun e na fofor. [Eff and comp 9/10/09; am and comp **NOV 17 2019**] (Mumutan: HRS §302A-1112) (Imp: HRS §302A-1112)

§8-19-8 Kounon fiti sukun. (a) Nupwen emon principal ika chon angang mei nuku pwe mei kawor och sakopaten an chon sukun fofor ese pwung, epwe auchea pwe ewe principal ika chon angang epwe chosa o attitina faniten ekkewe fofor. Murin epwe wes ne chosa, iwe, ewe principal ika chon angang epwe finata ika ewe emon chon sukun mei fangeta ika esapw fangeta. Ika ewe principal ika chon angang epwe nuku pwe ewe emon chon sukun mei fangeta, iwe, epwe finata met sakopaten fofores emmirit epwe fis ren.

(b) Non fansoun ewe sam me iin resapw tipeew usun e na tichikin fofor, iwe, ewe principal ika chon angang epwe afata ngeni ewe emon chon sukun me iinan/saman kewe met ekkewe pisekin pwarata mei kawor seni ewe chon chosa/chon meinapen sukun iwe repwe tongeni tingor ren mwichen amwet pwe epwe fat. Mei pwan pachengeni non fansoun emon chon sukun esapw pwan tipeew usun e na taropwen tichikin fofor, iwe, epwe pwan tongeni tingor ren mwichen amwet. Iwe nge, non fansoun an chon sukun ese tongeni weweiti e na taropwe ika ese pochokun non mwakuron, iwe, ewe principal ika chon angang epwe chok kapas ngeni ewe sam me iin faniten ekkewe fofor meinisin.

(c) Non fansoun epwe kawor ren an chon sukun re kounon fiti sukun mei nape seni engon raan, iwe, ewe pwutai epwe fori angangen immirit fan pwungun ei kinikin o met mei affat non annuk.

(d) Iteiten fansoun mei kawor an chon sukun re kouno fiti sukun, epwe wor tichikin an chon sukun fofor, ese pwan nefinifin, iwe, ewe sam me iin repwe angei e na taropwen tichikin fofor. Me mwen an chon sukun epwe kounon fiti sukun, ewe meinapen sukun epwe kori ewe sam me iin non tenefon, nge murin epwe tinano ngenir echo taropwen tichikin an chon sukun fofor ese pwung. E na taropwen kounon fiti sukun epwe kawor ekkei mak/kapas:

- (1) Porousan ewe kounon fiti sukun me tichikin ekkewe fofor mei fis;
- (2) Tetenin annuk chon sukun a fen atai;
- (3) Mak usun emmiritin chon sukun; pwan
- (4) Epwe pwan mak ngeni iin me sam ika inet ewe mwichen arongarong epwe fis, pwan ie epwe fis ie.

Echo kapian ei taropwe epwe pachenong ngeni ewe mastan nenien sukun meinisin. Mei pwan pachengeni pwe ewe principal epwe pwan kori non tenefon ngeni saman me iinan kewe. [Eff 9/1/82; am and ren §8-19-7, 5/23/86; am and comp 7/19/93; comp 5/19/97; am and comp 2/22/01; am and comp 9/10/09; comp NOV 17 2019] (Mumutan: HRS §302A-1112) (Imp: HRS §302A-1112)

§8-19-9 Epwe wor fansoun epwe kawor ren an chon sukun re kouno fiti sukun repwe ponuwensi ewe pwung esap nepe seni engon raan, tichikin ewe pwung mwen an epwe pwunguno katoun chon sukun. (a) Ika, anonganong won ewe angangen chosa, ewe principal ika chon angang mei nuku pwe ewe chon sukun mei fangeta, iwe, ewe principal ika chon angang epwe finata met sakopaten foforen emmirit epwe fis ren, me nukun kounon fiti sukun non atapwanapwan (crisis removal), iwe non fansoun an chon sukun epwe atai och sakopaten annukun sukun, usun met mei mak non ei kinikin, epwe namot pwe epwe kawor emmiritin ewe chon sukun pokiten an fofor mei tipis, iwe ewe principal ika chon angang epwe mak taropwen tichikin an chon sukun fofor ese pwung, o epwe pwan tinano ngeni ewe mastan nenien sukun, pwe epwe pwan mumuta ren.

(b) Non fansoun ewe principal ika ewe chon angang an epwe angei an mumuta seni ewe mastan nenien sukun, iwe, epwe sopolop ne poputa ekkewe foforen emmiritin chon sukun, o epwe pwan makke taropwe ngeni iin me sam pwe epwe:

- (1) Esine iin me sam usun tichikin an chon sukun fofor,
- (2) Esine iin me sam pwe repwe tongeni amwet (appeal) ika resapw tipeew, me
- (3) Esine iin me sam pwe ekkei foforen immiritin chon sukun epwe fis mwitir chok.

(c) Non fansoun ewe principal ika chon angang epwe angei an mumuta seni ewe mastan nenien sukun, epwe mak taropwen tichikin an chon sukun fofor, o pwan tinano ngeni sam me iin esapw mang seni unungat raan seni ewe fansoun a angei an mumuta. A pwan tufich an epwe sendini ew fax mi pachanong an ewe mastan nenien sukun siknacher ika pwan och sakkun kapasen affat faniten tichikin an ewe chon sukun fofor. Ewe taropwen tichikin an chon sukun fofor epwe kawor ei/ekkei mak/kapas:

- (1) Tichikin an chon sukun fofor meinisin mei fis non ewe fansounen osukosuk;
- (2) Tetenin annuk an chon sukun a fen atai;
- (3) Mak usun emmiritin chon sukun; pwan
- (4) Mak usun sam me iin ir mei tongeni amweta (appeal) an mastan nenien sukun finata ika resapw tipeew ngeni. Epwe pwan tufich ika ir mei mochen angei aninis seni imwen kapwung pwe emon sowun

kapwung epwe tongeni anisir ne kapas faniten nour we. Ika ir mei mochen angei emon sowun kapwung, iwe, repwe chok tingor non ukukun engon raan, me mwen ewe arongarong epwe fis.

- (5) Ika ewe chon sukun ika iin/sam resapw tipeew, iwe, repwe mak taropwen tingor ren amweta (appeal) ngeni ewe mastan nenien sukun non ukukun fisu raan seni ewe pwinin maram mi mak won ena taropwen emmiritin chon sukun. Epwe mumuta an chon sukun fiti sukun tori epwe kawor an ewe principal ika chon angang memef ren, ika ewe chon sukun mei fakkun afeiengaw ngeni aramas, iwe ese mumuta ren an epwe sopolop ne fiti sukun, pun a men auchea pwe sukun epwe fis non kinamwe me mecheres nge esapw fis och sakopaten sarongaw ika foforungaw. Nge atun ei fansoun, esapw mumuta an chon sukun epwe fiti och sakopaten sports me games, field trips, ika och sakopaten mwichen sukun mei fis nukun sukun.

(d) Nupwen ewe mastan nenien sukun epwe angei taropwen tingor usun mwichen amwet (arongarong), iwe, epwe pwan ponuenir usun inet epwe fis, pwan ie epwe fis ie. Epwe pwisen mak ewe taropwen amweta iwe pwan tinano ngeni ewe iin/sam me ewe principal ika chon angang me mwen engon-me-nimu raan seni ewe mwichen arongarong. Ewe mastan nenien sukun ika emon meinapen pwutaiin sukun, ika pwan emon chon angang mi mumuta seni ewe mastan nenien sukun epwe pwisen osowu ena mwichen arongarong. Lei met epwe fofor non mwichen arongarong:

- (1) Ei mwichen amweta (arongarong) epwe fis nefinen ewe emon chon sukun mei tipis, iinan, saman, mastan nenien sukun, pwan ekkewe aramas mei fakkun auchea faniten ei keis, nge ika mei wor pwan ekkoch aramas re mochen fiti, iwe, repwe kan tingor pwe epwe "public";
- (2) Epwe tufich pwe sam/iin, ewe principal ika chon angang repwe kapas me kapas eis fengen, me kapas eis ngeni ekkewe chon pwarata; ika mei kawor pisekin pwarata mei weniti ewe fofor, iwe, repwe pwan pwarata;
- (3) Sam/iin, ewe principal ika chon angang ir repwe tongeni tingor an emon attorney ika chon aninis epwe wisen tupwunuir;
- (4) Non fansoun ar repwe mwich fengen, ewe mastan nenien sukun ika ewe meinapen pwutaiin sukun repwe chok porous non kinamwe me mecheres, ese pwan nefinin;
- (5) Mei auchea pwe ewe mastan nenien sukun ika ewe meinapen pwutaiin sukun epwe fakkun apech ngeni ekkewe chon fiti ewe arongarong;
- (6) Ewe sam/iin, ika re mochen, re tongeni pwisin teipi (record) ika tingor ren ewe pwutaiin sukun ar repwe angei nour kapin ewe arongarong (non teip ika taropwe) pwe repwe ngeni ewe imwen kapwung faniten ar review. Ewe mastan nenien sukun ika ewe meinapen pwutaiin sukun repwe teipi (record) ika pwan makketiw ekkewe kapasen ewe mwichen arongarong;
- (7) Non fisu raan seni ewe mwichen amwet ika arongarong mei fis, ewe mastan nenien sukun an epwe tinano echo taropwen tichik fan iten ewe mwichen arongarong, iwe epwe mak wewen an finata, pwan met sokopaten emmiritin chon sukun epwe fis. Epwe tinano echo kapian ewe taropwe ngeni sam me iin, echo kapi ngeni ekkewe sowun kapwung (ika mei kawor), pwan echo kapi ngeni ewe pwutaiin sukun. Ika ewe mwokutukut epwe sopweino, ewe mastan nenien sukun epwe mak ukukun fitu raan an chon sukun epwe kouno ren, pwan pwinin maramen fansoun an epwe poputa, pwan ika inet epwe wes, iwe epwe pwan ekieki won ukukun fitu raan an chon sukun a fen kouno me sukun.

(e) Non fansoun ewe iin/sam resapw tipeew ren an ewe mastan nenien sukun finata, repwe tongeni ponueni o pwan tingor pwe epwe wor pwan ew mwichen arongarong ren ewe mastan nenien sukun ika emon chon meinapen state, iwe, ewe sam/iin repwe pwan makketiw meeasier faniten ar keis, pwan pwata rese fakkun tipeew ren finatan ar we keis. Repwe tinano ar taropwen tingoren amweta ika arongong non fisu raan seni ewe fansoun ar re angei an ewe mastan nenien sukun ika chon meinapen state taropwe faniten ena mwichen arongarong me ar we finata. Ika ese wor och tingor ren ew arongarong, iwe ewe meinapen pwutaiin sukun ika chon meinapen state epwe makketiw an finata anongonong won met mei fen atouranong fan iten ewe amwet. Iwe, murin, ewe mastan nenien sukun ika chon meinapen state epwe makketiw an mwuchunon finata pwe epwe fakkun pwung o esapw mwokutukut. Epwe mumuta an chon sukun fiti sukun tori epwe kawor an ewe mastan nenien sukun memef ren, ika ewe chon sukun mei fakkun afeiengaw ngeni aramas, iwe ese mumuta ren an epwe soposop ne fiti sukun, pun a men auchea pwe suku epwe fis non kinamwe me mecheres nge esapw fis och sakopaten sarongaw ika foforungaw. Ika ewe chon sukun a pin kouno fiti sukun anongonong won an we amwet, iwe ewe meinapen pwutaiin sukun ika chon meinapen state epwe makketiw an finata esapw mang seni rue-me-ew raan seni ewe pwinin maram mi mak won ewe taropwen risitin ewe amwet.

(f) Non fansoun sam/iin ir mei mochen mwich faniten mwichen amwet ika arongarong, ir ika nour we attorney repwe tinano ar taropwe, pachanong meinisin ekkewe taropwen/teipan ewe keis, ngeni ewe mastan pwutaiin sukun usun mei affat non subsection (d) me non ei kinikin iwe epwe pwan tinano (forward) ewe taropwe ngeni ewe mastan pwutaiin sukun ika chon meinapen state non ukukun engon raan. Ewe mastan pwutaiin sukun ika chon meinapen state epwe aneani ewe taropwe o epwe pwarata an finata anongonong won ewe chappen tipis non ukukun engon-me-ruanu raan. Epwe pwan tinano kapian taropwe ngeni sam me iin pwan ngeni ewe attorney. Epwe pwan pachenong nge ika sam/iin resapw tipeew usun an mastan pwutaiin sukun ika chon meinapen state taropwe, iwe, repwe mumuta ne pwan ponueni sefan ren pwan echo taropwe aponuan. Ika sam/iin resapw tipeew usun an emon chon angang taropwe ren och siwinin an chon sukun atai annukun pisekin afeiengaw (firearms), iwe, ponuan ena taropwe epwe no ngeni ewe mastan nenien sukun ika ewe chon meinapen state. Ewe sam me iin repwe mak taropwen aponuan o pwan tinano ngeni ewe mastan pwutaiin sukun ika chon meinapen state non ukukun nimu raan seni ewe pwinin maram an ena finata mei fen katou seni ewe mastan pwutaiin sukun, chon angang ika chon meinapen state. Emon iin/sam epwe tongeni makei mefian me aukatiw ewe anini; iwe, esapw wor pwung ren an epwe pwarata ewe anini ika esapw akomw uwatiw ewe taropwen ketiw/mumuta. Ika ewe iin/sam a uwatiw ewe taropwen mumuta me tungor an epwe pwarata ewe anini, ewe mastan nenien sukun ika chon meinapen state epwe, me non ru ranin sukun, an epwe angei ewe taropwen tungor an epwe pwari ewe anini, asinei ngeni iin/sam ren ewe pwinin maram mi affat, kunokun, me nenian ar repwe uwau ar kewe anini. Ewe ranin pwaratan ewe anini esapw mang seni nimu ran iwe esapw pwan napeseni engon me ruwanu ran seni ewe ran mi affat ngeni ekkewe iin/sam ren ewe pwinin maram mi affat, kunokun, me nenian ar repwe pwarata ewe anini ie. Ewe mastan nenien sukun ika chon meinapen ewe state ewe a kefinita i epwe wisani tiini ewe taropwen pwarata ngeni iin/sam ika ewe soukapwungun ewe angang non ukukun engon me ruwanu ran ren ewe ran mi affat fanitan ewe osukosuk ika ewe keis ikewe ewe iin/sam ar resapw pwaratan ewe anini, non ukukun engon me ruwanu ran met mi fen affat non taropwe. [Eff 9/1/82; am and ren §8-19-8, 5/23/86; am and comp 7/19/93; am and comp 5/19/97; am and comp 2/22/01; am and comp 9/10/09; am and comp NOV 17 2019]
(Mumutan: HRS §302A-1112) (Imp: HRS §302A-1112)

§8-19-10 Nakatamen ewe emmiritin chon sukun. (a) Non fansoun epwe omwuchunon ewe ieren sukun nge esapw wesino an chon sukun fansounen emmiritin tipis anonganong won angangen ewe amwet, iwe, epwe namot pwe an fansounen emmiritin tipis epwe soposoponon tori ewe ieren sukun epwe etto, iwe esapw mumuta an epwe soposop non ewe atun summer school.

(b) Ika an chon sukun atai annukun sukun non ukukun rue raan me mwen ewe fansoun epwe amwuchunon ewe ieren sukun, iwe, an emmiritin chon sukun epwe soposoponon tori ewe ieren sukun epwe etto, ese pwan nefinifin ika meeni sukunen muun an epwe fiti, nge esapw mumuta ren an epwe soposop non ewe atun summer school.

(c) Ei kinikin ese mumuta fan iten an chon sukun atai annukun pisekin afeiengaw (firearms). Ren tipisin atai annukun pisekin afeiengaw (firearms), iwe ewe fansounen emmiritin chon sukun esapw kukkun seni ew ier.

(d) Me nukun met mei affat non subsection (a) me (b), meinisin sakopaten emmiritin chon sukun epwe chok fis non atun ewe ieren sukun. [Eff 9/1/82; ren §8-19-9, 5/23/86; comp 7/19/93; am and comp 5/19/97; comp 2/22/01; am and comp 9/10/09; comp NOV 17 2019] (Mumutan: HRS §302A-1112) (Imp: HRS §§302A-1112, 302A-1134)

§8-19-11 Sakopaten siwinin angangen sukun mei kawor ika fen pwan aninis ngeni ekkewe chon sukun ir mei atai ekkewe annuk mei affat non ei kinikin. (a) Non fansoun an chon sukun epwe kouno fiti sukun non atapwanapwan (crisis removal) nge epwe ukukun naope seni engon raan, ewe mastan ewe nenien sukun epwe awora ngeni ekkewe chon sukun och sakopaten siwinin angangen sukun ika ekkoch activities mi katou seni ekkoch public me private agencies pwe repwe soposop ne kaeo.

(b) Ika emon chon sukun epwe kouno fiti sukun nge epwe kis seni engon raan, iwe, epwe pwan mumuta ren ewe principal ika chon angang an epwe awora och sakopaten siwinin angangen sukun, anonganong won met e kan need.

(c) Ewe annukun anapwungun Hawaii epwe pwan mumuta ren ekkewe chon sukun mei handikap, usun met mei mak non ei kinikin. [Eff 9/12/82; am and ren §8-19-10, 5/23/86; comp 7/19/93; comp 5/19/97; comp 2/22/01; am and comp 9/10/09; comp NOV 17 2019] (Mumutan: §302A-1112) (Imp: HRS §§302A-1112, 302A-1128)

SUBCHAPTER 3

AN CHON SUKUN FOFOR ESE PWUNG IKA EMMIRITIN CHON SUKUN ATUN “SUMMER SCHOOL”

§8-19-12 Emmiritin chon sukun; pochokunen ewe annuk. Non fansoun emon chon sukun an epwe atai annukun sukun atun summer ika “summer school”, ewe meinapen summer school ika chon angang epwe mumuta ren o epwe pwan tumunu an emon pwung. [Eff 5/23/86; comp 7/19/93; comp 5/19/97; comp 2/22/01; am and comp 9/10/09; NOV 17 2019] (Mumutan: HRS §302A-1112) (Imp: HRS 302A-1112)

§8-19-13 Foforan chon sukun ese pwung; tetenin ekkewe fofor. (a) Ei tetenin fofor ese pwung mei nom ren iteiten chon sukun ir ra fiti summer school non sukunen muun meinisin, iwe ekkei annuk mei pwung non nenien sukun, ika ekkewe neni pwan an pwutaiin sukun won ekkewe sein pwutaiin sukun pwan tori ekkewe neni meinisin mei fis an ekkewe sukun angang me urumwot ie, ren non

nenien sukun ika fen pwan nukun.

(1) Tetenin annuk A:

- (A) Kawet;
- (B) Namaiki (fan iten chon sukun non mwich 9-12);
- (C) Sona ika Toomwaaninong non nenien emon;
- (D) Namaiki non asepwan/kompiuter (fan iten chon sukun non mwich 9-12);
- (E) Ekkewe pisek mei tongeni afeiengawa aramas; pwisen nouni ika aeani;
- (F) Ekkewe piseken fiu mei tongeni afeiegawa aramas; pwisen nouni ika aeani;
- (G) Piseken safei mei afeiengaw/drugs; pwisen nouni, aeani ika kamengeni aramas;
- (H) Angei non pochokun;
- (I) Fifiu;
- (J) Piseken afeiengaw ren pistor; pwisen nouni ika aeani;
- (K) Turunufas (fan iten chon sukun non mwich 9-12);
- (L) Niimanaw;
- (M) Saffei mei afeiengaw/drugs; pwisen nouni, aeani ika kamengeni aramas;
- (N) Och sakopaten sakau; pwisen unumi, aeani, ika kamengeni aramas;
- (O) Atai pisek ika neni;
- (P) Sona fiti pochokun;
- (Q) Tipisin nissou mei echimwa;
- (R) Nounou aramas repwe nissou;
- (S) Turunufas nefinen emon at ika nengin (fan iten chon sukun non mwich 5-12);
- (T) Nikatapw; ika
- (U) Kapasen fiu me enimukus.

(2) Tetenin annuk B:

- (A) Namaiki (fan iten chon sukun non mwich K-8);
- (B) Namaiki non asepwan/kompiuter (fan iten chon sukun non mwich K-8);
- (C) Nifinifin aramas;
- (D) Fofor ese pwung;
- (E) Fonou mei mwakken;
- (F) Mwakken non mak;
- (G) Peneian moni (gambling);
- (H) Turunufas (fan iten chon sukun non mwich K-8);
- (I) "Hazing";
- (J) Fofor ese pwung non internet ika piseken internet ika piseken ossos ikenai;
- (K) Angangan fiu sefan ika eniwini foforungaw;
- (L) Turunufas nefinen emon at ika nengin (fan iten chon sukun non mwich K-4);
- (M) Sona; ika
- (N) Tomwan.

(3) Tetenin annuk C:

- (A) Kapas mei ngaw;
- (B) Etiwano sukun;
- (C) Ewuwengaw;

- (D) Laser pen/laser pointer; pwisen nouni ika aeani;
- (E) Tou seni sukun nge ese angei mumuta;
- (F) Un ika koi supwa ika aea tamaak (tobacco); ika
- (G) An emon esapw fiti sukun (rikino).

(4) Tetenin annuk D:

- (A) Pisek ese mumuta; pwisen nouni ika aeani;
- (B) Kirikirengaw mi kukkun; ika
- (C) Pwan ekkoch annukun sukun.

(b) Faniten tetenin annuk C ika D: Nupwen emon chon summer school epwe atai ew annuk mei nom non tetenin annuk C ika D usun mei affat non kinikin 8-19-6, iwe, epwe wor angei “fonou” (warning) seni ewe meinapen sukun, nge non fansoun an epwe atai pwan ew annuk (orruan tipisin), iwe, epwe kouno fiti summer school.

(c) Nupwen emon chon summer school epwe atai ekkoch annuk mei nom non tetenin annuk A ika B, ese pwan nefinifin, epwe kounon fiti summer school. Ewe meinapen summer school ika pwan emon chon angang epwe mwich ren ewe emon chon sukun pwan ewe iin/sam pwe epwe kapas ngenir usun an finata me mwan an epwe kouno fiti summer school. Ewe meinapen summer school epwe pwan mak echo taropwen tichikin an chon sukun fofor iwe epwe pwan tinano echo kapian ewe taropwe ngeni ewe mastan nenien sukun pwan ngeni sam me iin.

(d) Nupwen epwe kawor och sakopaten emerchensi faniten an chon sukun fofor mei ngaw, ika epwe wor och sakopaten afieiengaw epwe tongeni fis ren an nomw non sukun, mei namot pwe ewe chon meinapen summer school ika chon angang epwe akouno an chon sukun fiti sukun (crisis removal) pokiten mei watte tipisin ika feieingawan, ei wewe a eto seni an ewe sukun mochen apochokuna an ekkewe chon sukun meinisin pwung ar repwe nom non kinamwe esap wor feiengaw epwe toriir. Ewe meinapen summer school ika pwan emon chon angang epwe pwan mwich sefan ren ewe sam me iin pwan ewe emon chon sukun, iwe murin ena mwich ewe chon sukun epwe tongeni niwin sefan o pwan tonong ne fiti summer school. Ese wor emon chon sukun epwe tongeni niwin sefan o pwan tonong ne fiti sukun ika ese pwan fiti ewe mwich. Ewe meinapen summer school ika pwan emon chon angang epwe pwan mak echo taropwen tichikin an chon sukun fofor iwe epwe pwan tinano echo kapian ewe taropwe ngeni ewe mastan nenien sukun pwan ngeni sam me iin. [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09; am and comp NOV 17 2019] (Mumutan: HRS §302A-1112) (Imp: HRS §302A-1112)

SUBCHAPTER 4

AN EKKEWE SUKUN PWUNG AR REPWE CHOSA ME AMOCHU

§8-19-14 Tichikin annukun chosa non an chon sukun kewa kapet

(locker). Ekkewe chon meinapen sukun ir repwe tongeni chosani an chon sukun kapet (pwan “konak ren tini”), pwe repwe sinei ika mei wor pisekin afeiengaw mei nom ie. Esapw mumuta ren ar repwe chosani an chon sukun kapet ren ekkei popun: pokiten fonuan, enuwen unuchan, ia a etto me ian, an newo, at ika nengin, gender identity and expression ika met sokkun aramas a kan sani (at ika nengin), an namanam, terin non inisin/mekuran, ika an “sexual orientation”. Ewe kinikin 8-19-15 ese mumuta ren an emon aramas (ika emon “konak ren tini”) epwe chosani an chon sukun kapet. Ekkewe annuk me non kinikin 8-19-15 tori 8-19-18 mei nom ren kapet me angangen chosa me amochu ekkewe pisekin chon sukun, iwe mei auchea chon sukun repwe sinei pwe ar kewa kapet resapw prafit ika monomonono. Iteiten fansoun meinisin, ese pwan nefinifin, emon chon angangen sukun (ika emon “konak ren tini”) epwe mumuta ne chosani an chon

sukun kewe kapet. [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09; comp **NOV 17 2019**] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)]

§8-19-15 An ekkewe sukun annuk fansoun repwe chosa me amochu.

Me nukun chok met mei mak non kinikin 8-19-14 fan iten an chon sukun kewe kapet, chon sukun meinisin ir mei tongeni fetan won pwisin nemenem chok, ese pwan nefinifin ika mei non nenien sukun, ika ekkewe neni pwan an pwutaiin sukun won ekkewe sein pwutaiin sukun pwan tori ekkewe neni meinisin mei fis an ekkewe sukun angang me urumwot ie, ren non nenien sukun ika fen pwan nukun, pwan och sakopaten nenien sukun meinsin. Ekkewe sukun repwe achocho ne fotuki me sopwei an epwe wor kinamwe me tumwun non ekkewe nenien kaeo meinisin, ina popun repwe fori ekkewe angangen chosa. Iwe, fan ekkoch epwe auchea pwe ekkewe chon meinapen sukun repwe chosani pisekin chon sukun, ika mei wor popun mei auchea, non nenien sukun, ika ekkewe neni pwan an pwutaiin sukun, won ekkewe sein pwutaiin sukun pwan tori ekkewe neni meinisin mei fis an ekkewe sukun angang me urumwot ie, ren non nenien sukun ika fen pwan nukun, pwan och sakopaten nenien sukun meinsin. Me nukun chok met mei pwan mak non kinikin 8-19-14 fan iten an chon sukun kewe kapet, ekkewe meinapen sukun ika chon angangen chosa repwe tongeni chosani me amochu pisekin chon sukun ika mei wor popun mei auchea ika ir mei nuku pwe chon sukun a men atai annuk, ika ir mei nuku pwe mei kawor och sakopaten pisekin afeiengaw mei nom non nenien sukun, o ika mei kawor popun mei auchea ren ar repwe chosani chon sukun, usun mei affat non ei kinikin. Iwe, iteiten fansoun epwe wor angangen chosa, ekkewe chon angangen chosa/chon meinapen sukun repwe anneasochisi ekkei annuk mei mak non ei kinikin ika subchapter. [Eff 5/23/86; comp 7/19/93; comp 5/19/97; comp 2/22/01; am and comp 9/10/09; am and comp **NOV 17 2019**] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)]

§8-19-16 An ekkewe sukun pochokun mei wor non annuk. Me nukun chok met mei mak non kinikin 8-19-14 fan iten an chon sukun kewe kapet, fan ekkoch epwe mumuta pwe epwe fis angangen chosa nupwen ika ekkewe chon angangen chosa ir mei nuku pwe chon sukun a men atai annuk, ika ir mei nuku pwe mei kawor och sakopaten pisekin afeiengaw mei nom non nenien sukun, o ika mei kawor popun mei auchea ren ar repwe chosani chon sukun, non nenien sukun, ika ekkewe neni pwan an pwutaiin sukun, won ekkewe sein pwutaiin sukun pwan tori ekkewe neni meinisin mei fis an ekkewe sukun angang me urumwot ie, ren non nenien sukun ika fen pwan nukun, pwan och sakopaten nenien sukun meinsin, usun mei affat non ei kinikin. Mei fakkun auchea pwe non fansounen angangen chosa, epwe wor emon meinapen sukun pwan emon chon pwarata iwe mei namot pwe ewe chon pwarata mei pwan emon chon meinapen sukun, ir ruemon repwe angang fengen, iwe ika mei kawor fansoun esapw fakkun seif/tumwun pokiten och sakopaten afeiengaw iwe epwe namot pwe ewe meinapen sukun epwe chok angang pwisin i chok, pun epwe mwitir ne fori ewe angangen chosa. [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09; am and comp **NOV 17 2019**] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)]

§8-19-17 Ekkewe sakkun pochokun mei kawor seni annuk ekkewe sukun rese tongeni fori fansoun ar fori ar angangen chosa me amochu.

(a) lei tetenin annuk faniten fansoun angangen chosa, nge esapw faniten chosani kapet seni ekkewe chon meinapen sukun, nge ekkewe annuk mei mak non kinikin 8-19-14:

- (1) Epwe mumuta pwe epwe fis angangen chosa nupwen ika ekkewe chon angangen chosa ir mei nuku pwe chon sukun a men atai annuk, ika ir mei nuku pwe mei kawor och sakopaten pisekin afeiengaw mei nom non nenien sukun, o ika mei kawor popun mei auchea ren ar repwe chosani chon sukun, iwe, epwe wor mumuta ren ar chosa, usun mei affat non annukun ei kinikin.
 - (2) Nupwen mei kawor watte tipisin chon sukun, iwe, ewe angangen chosa epwe mwitir o pwan pochokun, nge ika mei chok kawor och sakopaten tipis mei kukkun, iwe, ewe angangen chosa esapw fakkun pochokun, nge epwe tufich pwe epwe ekkis pwetete.
 - (3) Me mwen angangen chosa epwe poputa, ekkewe chon angangen chosa ika chon meinapen sukun repwe ureni chon sukun nge repwe chosani pisekin ika inisin, iwe, repwe pwan tingor ngeni chon sukun ika an epwe chok pwari o ngenir ewe pisek mei afeiengaw ika pisek ese pwung.
- (b) Me mwen angangen chosa epwe poputa, ekkewe chon angangen chosa repwe pwan esine ngeni ewe principal ika chon angang pwe epwe kawor och chosa. Nge nupwen ika mei wor och sakopaten watte emerchensi, iwe, epwe mumuta pwe ekkewe angangen chosa repwe chok poputa ne chosa mwitir, pwe epwe afeioch ngeni ekkewe chon sukun meinisin.
- (c) Nupwen ika mei kawor ruemon chon sukun ir mei atai annukun sukun, are ika nape seni ruemon, iwe, mei namot pwe ekkewe chon angangen chosa repwe poputa ne chosani ewe emon chon sukun mei napanap non e na tipis a fen fis non e na fanoun. [Eff 5/23/86; am and comp 7/19/93; am and comp 5/19/97; comp 2/22/01; am and comp 9/10/09; comp NOV 17 2019] (Mumutan: HRS §§302A-1112, 703-309(2)) (Imp: Hawaii Const. Art. X, §3, HRS §§302A-1101, 302A-1112, 703-309(2))

§8-19-18 Ekkewe annuk ese mumuta ekkewe sukun repwe fori fansoun chosa. lei tetenin mettoch ese mumuta non fansoun chosa nge esapw faniten chosani kapet usun mei affat non kinikin 8-19-14:

- (1) Esapw mumuta pwe epwe wor fansoun chosa mi “random”.
- (2) Esapw mumuta pwe epwe wor chosani inisin chon sukun ika “chos mei prafet” (strip search) ika chon sukun esapw ufouf.
- (3) Epwe mumuta pwe emon chon meinapen sukun epwe wor fansoun chosani inisin chon sukun nupwen ika mei kawor och sakopaten emerchensi ika afeiengaw, pwe ekkewe chon angangen chosa repwe tongeni mamasa o tumunu ekkewe chon sukun meinisin.
- (4) Esapw mumuta ren ekkewe chon angangen chosa repwe pochokun ngeni emon chon sukun non fansoun chosa ika echimwa ngeni emon chon sukun, nge non fansoun emon chon meinapen sukun epwe kirikiringaw ngeni aramas ika afeiengawa aramas, iwe, epwe mumuta ren ekkewe chon angangen chosa ir repwe pochokun ngenii, ika mei wor namotan.
- (5) Non fansoun chosa, nupwen ekkewe chon angangen chosa repwe kan kuna och sakopaten pisek ese pwung, iwe, repwe kan angei o isoni ewe pisek. Atun non fansoun chosa, ika ekkewe chon angangen chosa/chon meinapen sukun ra kan kuna pwan ekkoch pisekin afeiengaw, are ika mei wor och sakopaten watte emerchensi, iwe, epwe mumuta pwe ekkewe chon angangen chosa repwe chok poputa ne chosa mwitir, ese pwan nefinifin, pachanong ekkewe chon meinapen sukun ir mei mumuta ne angei ekkana pisek pwe epwe afeioch pwan seif ngeni ekkewe chon sukun meinisin, usun met mei mak non ei kinikin. [Eff 5/23/86; comp 7/19/93; comp 5/19/97; comp 2/22/01; am and comp 9/10/09; comp NOV 17 2019] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

SUBCHAPTER 5

ESINESIN FANSOUN A FIS EKKEWE FOFOR

§8-19-19 Esinesin tetenin annuk A me B mei fis non sukun. (a) Non fansoun mei kawor ekkoch sense, chon meinapen sukun, ika pwan emon chon angangen ewe pwutai ir mei kuna an emon chon sukun attai och annuk mei nom non tetetin annuk A ika tetenin annuk B, usun met mei mak non ei kinikin, ngeni emon chon sukun, sense, chon meinapen sukun, ika pwan emon chon angangen ewe pwutai usun met a fen mak non ei kinikin, iwe, ika ir mei nuku pwe chon sukun mei fangeta, iwe, repwe mwitir esine ngeni ewe principal ika chon angang. Non fansoun mei kawor ekkoch sense, chon meinapen sukun, ika chon angangen ewe pwutai ir mei kuna ika rongarong usun och sakopaten afeiengaw ngeni aramas mei nom non tetenin annuk C me D, ese pwan nefinifin, repwe ureni ewe principal ika chon angang.

(b) Non fansoun ewe principal ika chon angang an epwe angei tichikin an chon sukun fofor ese pwung, non tetenin annuk A ika B, iwe, epwe poputa ne chosani ekkewe fis. Ika mei watte tipis, epwe wor namot an epwe kori police, nge ika mei ekkis kukkun chok, iwe, ekkewe chon angangen sukun ir repwe fori angangen chosa. Nupwen mei kawor tipis mei tekia ika watte afeiengaw nge ekkewe chon angangen non ewe nenien sukun rese sinei ifa usun ar repwe aukutiw ena osukosuk, iwe, ewe principal ika chon angang epwe kori police.

(c) Ewe principal ika chon angang epwe makketiw non an sukun kompiuter usun met a fis pwan ika meni sakopaten emmiritin chon sukun epwe fis. Epwe makketiw ekkewe esinesin non ukukun nimu raan.

(d) Ewe principal ika chon angang epwe pwan esine ngeni ewe emon sense, chon meinapen sukun, ika pwan emon chon angangen sukun mei fen fori ewe tichikin non ewe poputan, o epwe pwan ureni met sakopaten emmirit epwe fis ngeni ewe chon sukun, iwe, epwe esineir non ukukun nimu raan, usun chok met a fen mak non subsection (c).

[Eff 9/1/82; am and ren §8-19-11, 5/23/86; am and comp 7/19/93; comp 5/19/97; comp 2/22/01; am and comp 9/10/09; am and comp **NOV 17 2019**] (Mumutan: HRS §§302A-1112, 302A-1002) (Imp: HRS §§302A-1112, 302A-1002)

§8-19-20 Namoten ewe esinesin fansoun a fis ekkewe fofor. Non fansoun an emon sense, chon meinapen sukun, ika chon angangen ewe pwutai epwe esinesin an chon sukun fofor ese pwung usun met mei fen mak non kinikin §8-19-19, iwe, ina chok met mei mumuta ren an epwe fori fan iten e na osukosuk, fan pwungun kinikin 302A-1003, Hawaii Revised Statutes. [Eff 9/1/82; am and ren §8-19-12, 5/23/86; am and comp 7/19/93; comp 5/19/97; comp 2/22/01; am and comp 9/10/09; comp **NOV 17 2019**] (Mumutan: HRS §§302A-1112, 302A-1003) (Imp: HRS §302A-1112, 302A-1003)

§8-19-21 Osukosuk ika ese wor esinesin ren ekkewe tetenin annuk A me B mei fis atun sukun; met epwe fis ngeni ekkewe sukun murin. (a) Iteiten ier, ewe mastan pwutaiin sukun epwe awora echo taropwen tichikin ika apwungu ngeni ekkewe sukunen muun mei atai annukun esinesin mei nom non tetenin annuk A ika B, ese pwan nefinifin, ika ewe fofor mei fis non nenien sukun, ika ekkewe neni pwan an pwutaiin sukun, won ekkewe sein pwutaiin sukun pwan tori ekkewe neni meinisin mei fis an ekkewe sukun angang me urumwot ie, ren non nenien sukun ika fen pwan nukun, iwe meni sakopaten emmiritin tipis epwe fis ngeni ekkewe sense, chon meinapen sukun, ika pwan ekkoch chon angangan ewe pwutaii. Iei tetetin emmiritin chon angangen sukun mei atai annukun esinesin:

- (1) Fonou ren kapas;
 - (2) Fonou ren mak;
 - (3) Kounon angang me moni;
 - (4) Ekisi angang (demotion); ika
 - (5) Tou fochofoch.
- (b) Faniten ekkewe annukun sukun, iwe, nupwen mei kawor sense, chon meinapen sukun, ika pwan emon chon angangen pwutaiin sukun resapw esinesin an chon sukun fofor ese pwung, usun mei afat non kinikin 8-19-19, iwe, epwe chok nonom fan emmiritin ewe pwutai.
- (c) Faniten ekkewe annuk mei nom non tetenin annuk A me B, iwe, nupwen emon sense, chon meinapen sukun, ika pwan emon chon angangen pwutai epwe atai ekkei annukun esinesin an chon sukun fofor, ese pwan nefinifin, ika ewe fofor mei fis non nenien sukun, ika ekkewe nenii pwan an pwutaiin sukun, won ekkewe sein pwutaiin sukun pwan tori ekkewe nenii meinisin mei fis an ekkewe sukun angang me urumwot ie, ren non nenien sukun ika fen pwan nukun, iwe, epwe tongeni tingor ren mwichen amwet ika arongarong, usun met a fen mak non annukun ewe pwutai. [Eff 9/1/82; am and ren §8-19-13, 5/23/86; am and comp 7/19/93; comp 5/19/97; comp 2/22/01; am and comp 9/10/09; am and comp NOV 17 2019] (Mumutan: HRS §§302A-1112, 302A-1002) (Imp: HRS §§302A-1112, 302A-1002)

SUBCHAPTER 6 AN POLICE ANGANGEN CHOSA ME ARRES

§8-19-22 An police chosa non sukun ren ekkewe annukun sukun. (a) Mei mumuta ren police ar repwe tongeni tonong non sukun ren chosa ika kapas eis. Nupwen repwe tonong ewe sukun, aewin, repwe feino ngeni ofesin principal ika chon angang pwe repwe churii o pwan angei mumuta ren ar repwe kapas eis ngeni ewe chon sukun. Ika ewe sam me iin ir mei tipeew ngeni ewe interview ika kapas eis, iwe, ewe principal ika chon angang epwe esine ngeni ewe chon chosa epwe witiwit tori ewe sam me iin repwe wareiti sukun pwe repwe tongeni fiti an nour iwe chon sukun chosa/kapas eis. Ika ewe principal ika chon angang e fen kori saman me iinan ewe chon sukun non tenefon nge rese nomw, are ika rese chok mochen fiti, iwe, ekkewe chon chosa repwe ekkis witiwit pwe ar repwe tongeni wareiti sukun. Ika saman me iinan rese mwo wareiti sukun, iwe, ewe chosa/kapas eis epwe chok fisatiw.

- (b) Atun fansoun an police chosa, ewe principal ika chon angang epwe pwan eti tiwenon chok ika ewe emon police ekan era pwe ese tongeni.
- (c) Non fansoun an emon chon sukun epwe arres (turufi), mei namot pwe ewe principal ika chon angang epwe anneasochisi ekkewe annuk mei mak non ewe kinikin 8-19-24. [Eff 9/1/82; am and ren §8-19-14, 5/23/86; am and comp 7/19/93; comp 5/19/97; comp 2/22/01; am and comp 9/10/09; comp NOV 17 2019] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

§8-19-23 An police chosa non sukun ren ekkewe annuk esapw annukun sukun. (a) Me mwen fansoun an police chosa, ekkewe police repwe kori ewe sukun o pwan esine ewe principal ika chon angang usun ar chosa o pwan tichikin ewe chosa. Nupwen repwe tonong ewe sukun, aewin, repwe feino ngeni ofesin principal ika chon angang pwe repwe churii o pwan angei mumuta ren ar repwe kapas eis ngeni ewe chon sukun.

(b) Me mwen ar repwe chosa ika kapas eis, iwe, mei auchea pwe ewe principal ika chon angang epwe kori ewe sam me iin, pokiten mei namot pwe repwe esinesin ngeniir. Iwe, ika sam me iin repwe ura pwe mei eoch ren ar repwe chosanii, iwe, ekkewe police repwe tongeni poputa ewe angangen chosa. Mei auchea ekkewe chon chosa repwe aneasochisi aureuren ei kinikin ika subsection, nge ika ewe sam me iin (ika pwan emon aramasan) ir pwisen ekkewe re fori ewe fofores afeiengaw (usun och sakopaten afeiengawan nissou ika ariaffou/tumunungaw), iwe, esor namotan ekkewe police repwe angei mumuta seniir, pun ir chok ekkewe chon tipis.

(c) Ewe principal ika chon angang epwe makketiw meinisin tichik mei auchea, usun itan chon sukun, pwinin maram ewe angangen chosa, itan ewe chon police, an nampan police “badge”, pwan nampan ewe tichikin police ika police report, pwan och sakopaten mettoch mi auchea.

(d) Non fansoun an emon chon sukun epwe arres (turufi), mei namot pwe ewe principal ika chon angang epwe aneasochisi ekkewe annuk mei mak non ewe kinikin 8-19-24. [Eff 9/1/82; am and ren §8-19-15, 5/23/86; am and comp 7/19/93; am and comp 5/19/97; comp 2/22/01; am and comp 9/10/09; comp NOV 17 2019] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

§8-19-24 An police arres non sukun. Ekkewe police repwe chok tonong non ofesin ewe principal ika chon angang. Repwe kori ewe chon sukun pwe epwe pwan no ngeni ofesin ewe principal ika chon angang pwe ewe police epwe tongeni turufi ika mina an ewe chon sukun arres. Non fansoun arres, ewe principal ika chon angang epwe achocho ne kori saman me iinan ewe chon sukun. [Eff 9/1/82; am and ren §8-19-16, 5/23/86; am and comp 7/19/93; comp 5/19/97; comp 2/22/01; am and comp 9/10/09; comp NOV 17 2019] (Mumutan: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

SUBCHAPTER 7

PINASEN TIPISIN ATAI PISEKIN MUUN

§8-19-25 Met epwe fis ngeni chon sukun mei atai pisekin muun. (a) Non fansoun mei pekinon tipemwaramwar, nupwen emon chon sukun epwe atai pisekin muun, ese nefinifin ika non nenien sukun ika fen pwan nukun, iwe, epwe namot ren an chon sukun, ika iinan me saman kewe, repwe pinasen tipisin atai pisek. Esor namotan epwe wor pinasen tipisin atai pisek ika ese kon fat pun ewe chon sukun i chok ewe chon tipis.

(b) Fan ekkoch, ewe muun State epwe pwan wau pwungun kapwung faniten an chon sukun atai pisekin sukunen muun, usun mei affat non ei kinikin.

(c) Ika ewe principal ika meinapen sukun mei nuku pwe an chon sukun mei wesewesen atai pisekin muun o mei fakkun fangeta fan pwungun ei kinikin, iwe, epwe pwan kori iin me sam pwe repwe mwich fengen me ewe chon sukun o kapas usun met epwe fis faniten pinasen tipisin chon sukun, usun met a fen mak non ei kinikin. [Eff 5/23/86; comp 7/19/93; comp 5/19/97; comp 2/22/01; am and comp 9/10/09; comp NOV 17 2019] (Mumutan: HRS §302A-1112) (Imp: HRS §§302A-1112, 302A-1153)

§8-19-26 Tetenin mwokut epwe fis ngeni chon atai pisekin muun.

(a) Non fansoun an emon principal ika chon angang epwe nuku pwe emon chon sukun epwe atai pisekin sukunen muun, ese nefinifin ika non nenien sukun ika fen pwan nukun, iwe, ewe principal ika chon angang epwe mwitir popueta ne fori angangen chosa.

(b) Usun met a fen mak non ekkewe kinikin 8-19-7, 8-19-8, 8-19-9, me 8-19-10, iwe, epwe namot pwe ika non fansoun an emon chon sukun atai pisekin muun, epwe mumuta pwe epwe pwan pinasen tipisin, iwe, ewe principal ika chon angang epwe finata ika met sakopaten pinasen tipis an chon sukun epwe pwan niwini, usun mei affat non ei kinikin ika subchapter. Pinasen tipis esapw poputa tori emmiritin chon sukun me napanapan ewe mwichen arongarong ika appeal repwe fakkun wesino.

(c) Murin chosa, ika ewe principal ika chon angang mei nuku pwe an chon sukun mei wesewesen atai pisekin muun o mei fakkun fangeta, iwe, epwe pwan kori iin me sam pwe repwe mwich fengen me ewe chon sukun o kapas usun met epwe fis faniten pinasen tipisin chon sukun. E na mwich epwe chok fis nefinen ewe principal ika chon angang, ewe emon chon sukun, me sam me iin, ir chok repwe fiti ewe mwich nge esapw pwan ekkoch aramas.

(d) Me mwen ewe mwich, ewe meinapen sukun epwe pwisen mak echo taropwen esinesin pinasen tipis, o epwe pwan tinano ngeni saman me iinan chon sukun. Ese wor chon sukun ika iin/sam repwe meinapen sukun sefani non ekkoch niknik tori minne repwe asinei ngeni ewe iin/sam me uwau porausan ar repwe sinei. Ewe taropwen esinesin epwe kawor tichikin an chon sukun fofor ese pwung, pwan inet ewe mwich epwe fis, pwan adresen nenien ewe mwich ie epwe fis ie. Ewe meinapen sukun epwe tinano ewe taropwe ukukun engon-me-nimu raan me mwen ewe mwich. Nuwpen mei wor namotan, emon chon chiaku epwe awewe ngeni ewe sam me iin ika ir rese tongeni weweiti kapasen Merika. Non fansoun sam me iin resapw fakkun weweiti mettoch meinisin mei fen mak non ewe taropwen esinesin, repwe pwan tongeni kori ewe meinapen sukun o kapas eis non tenefon, pwe epwe ekkis mecheres ne weweti.

- (1) Ewe sam ika iin repwe ponueni ewe taropwen esinesin non ukukun fisu raan.
- (2) Nupwen ewe sam me iin ir mei mochen siwini fansounen ewe mwich, iwe, repwe tingor ngeni ewe meinapen sukun. Repwe tingor non ukukun fisu raan me mwen ewe mwich epwe fis.
- (3) Nupwen ewe pinasen tipis epwe kis seni \$3,500, iwe, epwe fis mwichen pwungun atipeew non ofesin sukunen muun, esapw chok non imwen kapwung. Non fansoun ewe sam me iin ir mei tipeew ngeni ekei pinasen tipis, iwe, repwe kan saini ewe taropwen pwungun attipew. Epwe chok mumuta ika an pinasen tipisin atai pisekin muun epwe kis seni \$3,500.
- (e) Non fansoun sam me iin resapw ponueni ewe taropwen esinesin atun fansoun ekkei osukosuk, iwe, iei met ewe principal ika chon angang epwe fori:
 - (1) Ewe principal ika chon angang epwe achocho ne kori sam me iin pwe epwe sinei ika pwata sam me iin resapw nenengeni ena taropwen esinesin, are/ika mei wor namotan ar resapw nenengeni, iwe, ewe meinapen sukun epwe orror ika inet repwe pwan tongeni mwich fengen fan ew; ika

- (2) Epwe mak pwan echo taropwen esinesin ren sam me iin, usun ar resapw nenengeni an aewin taropwen esinesin, iwe, ewe principal ika chon angang epwe pwan ureniir nge pokiten ar resapw nenengeni an aewin taropwen asinesin, iwe,iei ewe principal ika chon angang epwe pwan esine ngeni ewe mastan nenien sukun, pwe i epwe pwisen apwungu ar keis.
- (f) Lei met epwe fis non ewe mwich:
- (1) Ei mwich epwe kan chok fis nefinen ewe principal ika chon angang, sam me iin, pwan ewe emon chon sukun mei atai pisek. Ewe principal ika chon angang, ewe chon sukun, me iinan/saman, ir chok repwe mumuta ne fiti ewe mwich, nge esapw pwan ekkoch aramas, ese pwan nefinifin.
- (2) Atun ewe mwich, ewe principal ika chon angang epwe pwarata tichikin an chon sukun fofor mei fen fis, o epwe pwan ureniir met epwe fis faniten pinasen tipisin an chon sukun atai pisek.
- (3) Ika ewe chon sukun me ewe iin/sam ir mei tipeew fengen usun ei pinasen tipis, iwe, ewe principal ika chon angang epwe mak taropwen tipeew reir, iwe, epwe makketiw won echo taropwen pwutai, o epwe affata usun met epwe fis faniten ei pinasen tipis, ika mei kis seni \$3,500. Epwe makketiw ika met an chon sukun me/ika ewe sam me iin repwe niwini, pwan inet fansoun repwe niwini ewe moni. Ika mei nape seni \$3,500, ewe mastan nenien sukun epwe kori ewe attorney general (sowun annuk mei nap) pwe i epwe pwisen tongeni soposoponon ekkei fofoen pinasen tipis.
- (4) Nupwen a wesino pinasen tipisin atai piseken muun, iwe, ekkewe taropwen tichikin ei keis repwe nonom non ofesin sukun ukukun unungat ier. Ekkewe tichikin ei keis, pwan ekkewe taropwen esinesin meinisin ren ei keis, repwe chok nonom non monomon chok, o repwe fakkun prafet pwe esor pwan ekkoch aramas repwe sine usun ei keis.
- (5) Non fansoun sam me iin ika ewe emon chon sukun ir resapw anneasochisi ekkei fofoen pinasen tipis, ina ewe principal ika chon angang epwe tongeni tinano (forward) ei/ekkei porous ngeni ewe mastan nenien pwutaiin sukun. Ewe meinapen sukun epwe esine ngeni ewe mastan nenien sukun pwe epwe apwungu ei keis, o epwe pwan kori ewe “attorney general” (sowun annuk mei nap), pwe i epwe pwisen tongeni soposoponon ekkei fofoen pwungun pinasen tipis.
- (6) Non fansoun sam me iin ika chon sukun ir resapw tipeew ngeni ekkei annukun pinasen tipis, are ika resapw fakkun anneasochisi ekkei fofoen pinasen tipis, iwe, ewe principal ika chon angang epwe esine ngeni ewe mastan nenien sukun pwan tinano ngenii ekkewe taropwen tichikin fofor meinisin, pwe epwe apwungu ei keis, o ewe principal ika chon angang epwe pwan kori ewe attorney general (sowun annuk mei nap), pwe i epwe pwisen tongeni soposoponon ekkei fofoen pinasen tipis. [Eff 5/23/86; am and comp 7/19/93; comp 5/19/97; comp 2/22/01; am and comp 9/10/09; comp **NOV 17 2019**] (Mumutan: HRS §302A-1112) (Imp: HRS §§302A-1112, 302A-1153)

§8-19-27	KOTURUNO [R 2/22/01]
§8-19-28	KOTURUNO [R 2/22/01]
§8-19-29	KOTURUNO [R 2/22/01]

SUBCHAPTER 8

ANGANGAN KOMPLEIN ME CHOSA REN SAKOPATEN ESIIT, TURUNUFAS (PACHENONG TURUNUFAS NEFINEN EMON AT IKA NENGIN), NAMAIKI ME/IKA ANGANGAN FIU SEFAN IKA ENIWINI FOFORUNGAW

§8-19-30 Angangan komplein. (a) Ewe pwutai epwe mwitir fori an angang an epwe aukatiw angangan esiit, turunufas (pachenong turunufas nefinen emon at ika nengin), ika namaiki epwe fis ngeni emon chon sukun, epwe pachenong ekkewe mi anonganong won met mi affat non ewe kinikin 8-19-2, an epwe appeti met epwe fis me anisi met epwe fis on ewe komplein/ren emon ika ekkoch ika mei tufich.

(b) Komplein wewe ngeni napanapangaw ika met mi feito seni foforungaw mi nomw fan ei kinikin mei tongeni fael iteitan fansoun meinisin seni:

- (1) Chon sukun ir mi piin sapeseni esiit, turunufas (pachenong turunufas nefinen emon at ika nengin), namaiki ika angangan fiu sefan ika eniwini foforungaw;
 - (2) Chon sukun ir mi kuna/pwarata ekkei esiit, turunufas (pachenong turunufas nefinen emon at ika nengin), namaiki ika angangan fiu sefan ika eniwini foforungaw ngeni pwan emon chon sukun;
 - (3) lin/sam, chon tumwun, chon aninis non sukun, ika ekkoch mi wor ar nemenem mi sinei porausan ika pwarata esiit, turunufas (pachenong turunufas nefinen emon at ika nengin), namaiki ika angangan fiu sefan ika eniwini foforungaw ngeni pwan emon chon sukun; ika
 - (4) Chon angang, chon aninis, ika volunteers io mi pwarata ika sinei porausan ei esiit, turunufas (pachenong turunufas nefinen emon at ika nengin), namaiki ika angangan fiu sefan ika eniwini foforungaw ngeni emon chon sukun.
- (c) Ekkewe komplein fanitan osukosuk non ei kinikin epwe for fan annukun ewe Department of Education Hawaii Administrative Rules Title 8, Kinikin 19 on ewe Taropwen Komplein, iwe ewe komplein epwe chok fael ese pwan nifinifin atun. Emon esapw access ngeni ika fori an esapw eaea ewe Department of Education Hawaii Administrative Rules Title 8, Kinikin 19 Taropwen Komplein esapw fori ew komplein, non mak me kapas, an epwe uwatiw ekkei poraus mi affat:

- (1) Itan ewe chon apponuwa ika naffun awewen ewe chon fael ar repwe tongeni pwarata me afata porausan;
- (2) Ewe pwinin maram nupwen ewe esiit, turunufas (pachenong turunufas nefinen emon at ika nengin), namaiki ika angangan fiu sefan ika eniwini foforungaw ngeni pwan emon chon sukun a fen fis;
- (3) Ew pwungun awewen ren ifa usun ewe esiit, turunufas (pachenong turunufas nefinen emon at ika nengin), namaiki ika angangan fiu sefan ika eniwini foforungaw a fis me tumwunun ika appetin ewe komplein, ika mei wor ekkoch;
- (4) Tichikin ewe feiengaw ika osukosuk, ika mei wor ekkoch; me

(5) Sopwosopwun, ika mei wor, afatatiw met mi fis.

(d) Taropwen komplein epwe no ngeni emon me emon sense ika chon angang, principal, vice principal, mastan ewe nenien sukun, ika ewe Civil Rights Compliance Branch. Porausan komplein epwe meni katou seni emon me on fon ika seni emon sense ika chon angang, principal, vice principal, mastan ewe nenien sukun, ika ewe Civil Right Compliance Branch.

(e) Ewe principal ika chon angang ika ewe mastan nenien sukun a kefinita, fan pwungun ewe Civil Rights Compliance Branch, epwe nengeni ewe komplein an epwe afata ika ewe mwokutukut mei anisi foforan ewe esiit, turunufas (pachenong turunufas nefinen emon at ika nengin), namaiki, ika angangan fiu sefan ika eniwini foforungaw. Ekkewe komplein rese nomw fan ewe subchapter repwe no ngeni ewe ofes ika chon angang ren ar repwe cheki.

(f) Nupwen ewe komplein epwe fael, ewe principal ika chon angang epwe:

(1) Mwitir fori ewe chosa ngeni ewe kinikin 8-19-31; ika

(2) Ika epwe eoch, epwe ngeni ekkewe ekkoch ew fansoun ar repwe for fengeni ewe komplein me mwan ekkoch wesewesen angangan chosa epwe poputa. Ei (informal process) angang ika och mwokutukut ese kon kokoteoch epwe chok eaea ika ekkewe ekkoch repwe tipeew ar repwe fiti. Ekkei ekkoch rese required ar repwe fori ewe komplein awenewen ngenir pusin. Nupwen ewe (informal process) angang ika och mwokutukut ese kon kokoteoch epwe chok for/wes, ew me ew ekkei chon for mi wor ar pwung ar repwe aukatiw ei informal process inet chok ra mochen, nge epwe fis ren poputani ewe wesewesen angangen chosa epwe poputa.

Awesin ekkei osukosuk (informal resolution) ese eoch non ekkei keises ikewe:

(1) ewe kleim mi osukosuk mi nomw an epwe wanong ewe komplein ika ekkoch aramas non osukosuk;

(2) ei osukosuk a forata ew tipis (criminal charge);

(3) ei osukosuk a pachenong emon mi refer ngeni ewe police ika Child Welfare Services;

(4) ei komplein a pachenong ew watten osukosuk, mi pachenong namaiki ika ekkoch esiit;

(5) mei wor ew chosa epwe fis ngeni ewe chon apponuwa;

(6) mei wor och mettoch me pochokun ese nonno fengen nefinan ekkewe chon pachenong non ewe komplein; ika

(7) ewe angangan chosa mi fetaneoch fan ekkewe mwokutukut. Ika informal resolution ese eoch, me ika ekkewe chon pachanong non ewe komplein rese tongeni chufengen ren ponuwan, ew angangan chosa epwe poputa seni ewe principal ika chon angang usun mi nom ren kinikin 8-19-31.

(g) Me ru ekkewe mi pachanong non ewe komplein repwe fori ew tungor ren ew chufengen ngeni ewe principal, vice principal, ewe mastan nenien sukun, ika ewe Civil Rights Compliance Branch. Ewe principal ika chon angang epwe fori ew chufengen ina mwo ika ese pwan tungor, ika repwe mochen ngenir. Mwitirin aninis me appet (immediate intervention) ren atapwanapwanen chufengen epwe feito seni ewe principal ika chon angang, mi awewe ngeni ewe Civil Rights Compliance Branch, iwe ika mi fis ewe mwokutukut ika immediate intervention mi

ponuweta, ewe principal ika chon angang repwe fori ewe mwokutukut ika immediate intervention. Ewe Civil Rights Compliance Branch epwe afata ren ewe mwokutukut ika immediate intervention a fen wes. Omw kosapw ponuweni ewe mettoch ren ewe mwokutukut ika immediate intervention epwe meni fori an epwe ew osukosuk mi imwuno, iwe epwe nomw non pwan ew angangen chosa, pwaratan, me finatan. [Eff Nov 17 2019] (Mumutan: HRS §302A-1112) (Imp: HRS §§302A-1101, 302A-1112; 5 U.S.C. §301, 42 U.S.C. §2000d et seq., 34 C.F.R. §100.9; 34 C.F.R. §101.11)

§8-19-31 Chosa. (a) Nupwen ewe komplein epwe for, ewe principal ika ewe chon angang repwe ngenir emon seni kinikinin sukun emon chon anneta (“chon chosa”) osukosuk an epwe angang on ewe ennetin angangen chosa. Nupwen ewe angangan chosa epwe wes, ewe principal ika chon angang repwe fori och fofor mi murino me mwan an epwe tongeni katou ngeni ekkewe iin/sam porausan ewe angangan chosa. Ika me murin ar fori pwungunon mettoch, ewe principal ika chon angang esapw tongeni epwe kori/asinei ngeni ewe iin/sam, ewe chon chosa epwe pachenong non iwe amuchano ewe angangan chosa.

Ewe chon komplein/victim me ewe chon apponuwa repwe mumuta ar repwe watiw itan ekkewe chon pwarata io ra nuku mi wor ar poraus mi wewe ngeni ewe komplein iwe pwan awora pisekin pwarata ren ar nuku nge mi wewe ngeni ewe komplein.

(b) Inet chok ewe chon chosa a angei pwungun ewe poraus me taropwen angangan ewe keis, ewe chon chosa epwe cheki me pachenong ekkewe pisekin pwarata mi wor, pwan cheki an ekkewe mi pachanong non ewe komplein me chon pwarata angang, achufengeni meinisin pisekin pwarata mi wor, fori angangan ew me ew sakopaten keis. Nupwen a wes, ewe chon chosa epwe anono fengeni pwungun ekkewe mettoch a fori faatan ren ew me ew mwokutukut mi need an epwe awasano ekkewe foforan esiit, turunufas, namaiki, ika angangan fiu sefan ika eniwini foforungaw me appeti an esapw fis me anisi ekkewe chon komplein/victim me ewe community. Ewe chon chosa epwe ngeni ewe principal ika ewe chon angang met ir mi kuna, io epwe pwarata ika ekkewe pwungun poraus epwe kapach ngeni an chon sukun resapw nomw fan ew me nein ewe kinikin 8-19-6(a) ika 8-19-13(a). Ew foforungaw epwe fis epwe no ngeni ewe kinikin 8-19-5 ngeni 8-19-13, usun met mi affat, mi pachenong non pwungun annuk.

(c) Iwe nesopwonon ewe angangan chosa, ewe principal ika chon angang, non ar mwich ngeni ewe Civil Rights Compliance Branch, epwe afata ika ekkewe aninis repwe kawor ngeni emon me emon mi pachenong non ewe angangan chosa. Ika mi affat pun ekkewe pwungun aninis repwe kawor, ewe principal ika chon angang epwe fori pwungun. Ewe chon komplein/victim epwe awora taropwen esinesin ren ika ewe ottetur/kleim a fen affat, ponuwan ewe angangan chosa, ew me ew pwungun mettoch epwe kawor, iwe ew me ew mwokutukut seni ewe pwutai an epwe wewe me non ngeni ewe chon komplein/victim. Ewe chon apponuwa epwe awora taropwen esinesin ren ika ewe ottetur/kleim a fen affat, ponuwan ewe angangan chosa, ew me ew pwungun mettoch epwe kawor, iwe ew me ew mwokutukut seni ewe pwutai an epwe wewe me non ngeni ewe chon apponuwa.

(d) Ewe chon chosa epwe kutta an epwe awasano ewe angangan chosa non ukukun nimu ranin sukun seni ewe ran ewe chon chosa a finata foforan ewe

mettoch. Ika ewe angangan chosa epwe tam seni nimu ran, ewe chon chosa epwe asinei ngeni ekkewe mi pachanong non ewe komplein non taropwe ren mangan, epwe awewei popun ewe mang, me ukukun taman an epwe wes ewe angangan chosa. [Eff Nov 17 2019] (Mumutan: HRS §302A-1112) (Imp: HRS §§302A-1101, 302A-1112; 5 U.S. C. §301, 42 U.S.C. §2000d et seq., 34 C.F.R. §100.9; 34 C.F.R. §101.11)

§8-19-32 Chosa mei soposopono. Ewe pwutai epwe chosani ewe osukosuk ren ei subchapter ika fori pwan ekkoch angangan faelini ewe taropwen komplein ika ewe komplein a fen koturuno ika pwe ese chiwen fis. [Eff Nov 17 2019] (Mumutan: HRS §302A-1112)

§8-19-33 Chon aninis non fos, aninis non mak, ika mettochun aninis mi tufich. Emon aramas e fori ew komplein ika epwe pachenong non ew angangan chosa mi require aninis non fos ika aninis non mak epwe pusin angei ekkei sakkun aninis seni ewe pwutai. Emon aramas mi wor terin mi need emon epwe anisi an epwe fori ew komplein ika mi fiti/pachenong non ew angangan chosa epwe angei aninisin seni ewe department. [Eff Nov 17 2019] (Mumutan: HRS §302A-1112)

§8-19-34 Angangan fiu sefan ika eniwini foforungaw ese mumuta. Angangan fiu sefan ika eniwini foforungaw me turunufas esapw fis ngeni emon pun e kan pachenong non och kinikin/nonomwun.
[Eff Nov 17 2019] (Mumutan: HRS §302A-1112)

§8-19-35 Pwuung omw kopwe kutta ekkoch aninis ika aninis ren ewe komplein. Ese wor me non ei kinikin epwe wewe ngeni aukukun ika esapw fori pwungun an ewe chon komplein/victim an epwe kutta ekkoch ponuan mi nomw fan annukun federal me state. Ewe chon komplein/victim mi wor an pwung an epwe fael ew komplein fan iten och ngeni muun federal ika state, pachenong annukun ekkewe enforcement/police agencies.

- (1) Omw kosapw faelini ew komplein fan ei kinikin;
- (2) Non chok ena atun ei komplein epwe fael ika ew osukosuk epwe reportanong fan ei kinikin;
- (3) Non fansoun ese nifinifin nupwen fansoun ese fat ren ewe komplein epwe fael ika ewe osukosuk epwe reportenong fan ei kinikin; ika
- (4) Murin ewe komplein an fael ika osukosuk a reportanong fan ei kinikin a fen affat.” [Eff Nov 17 2019] (Mumutan: HRS §302A-1112)

2. Mettoch, me nukun source notes me ekkoch poraus/notes, an epwe amwokutu mi kochufengen me weires. Minafon mettoch mi affat.

3. Sopwosopwun ren pwaratan source notes me ekkoch poraus/notes an epwe pwarata ekkei akasiwin me foforan rese chok affat.

4. Ekkei akasiwin ngeni me foforan ren kinikin 8-19, Hawaii Administrative Rules, epwe fori non ukukun engon ran murin epwe fael ren ewe

ofesin Lieutenant Governor.

Uwa pwarata pun sopwosopwun ikkei kapin ekkewe annuk a for non ewe
“Ramseyer format” mi no ngeni ekkewe aureur ren kinikin 91-4.1, Hawaii Revised
Statutes, mi foratiw won me fael ngeni ewe ofesin Lieutenant Governor.

EI TAROPWEN ESINESIN
A FEN KETIW

Deputy Attorney General

19 NOV-7 P4:10
GOVERNOR
OFESEN EWE LIEUTENANT

CATHERINE PAYNE,
Chairperson ren ewe Board of
Education

David Y. Ige
Governor
State an Hawaii

Pwinin Maram:
11-07-2019

A FEN FAELINI



STATE OF HAWAII
DEPARTMENT OF EDUCATION

DEPARTMENT OF EDUCATION
HAWAII ADMINISTRATIVE RULES
TITLE 8, CHAPTER 19
COMPLAINT FORM

COMPLAINANT INFORMATION

Last Name	First Name	Middle Name
Number and Street	City	State Zip
Home Phone ()	Work Phone ()	
School/Office	Complex Area	

ALLEGED VICTIM(S)

Name	Address	Phone Number
Name	Address	Phone Number

COMPLAINANT STATUS (Check Applicable Box)

<input type="checkbox"/> Student	<input type="checkbox"/> Parent	<input type="checkbox"/> Legal Guardian	<input type="checkbox"/> Staff	<input type="checkbox"/> Other (Specify) _____
----------------------------------	---------------------------------	---	--------------------------------	--

ALLEGED STUDENT OFFENDER(S) (If Known)

Name	Grade	School
Name	Grade	School
Name	Grade	School

BASIS OF COMPLAINT (Check Applicable Box)

<input type="checkbox"/> Discrimination	<input type="checkbox"/> Harassment (including Sexual Harassment)	<input type="checkbox"/> Retaliation	<input type="checkbox"/> Bullying
---	---	--------------------------------------	-----------------------------------

Date(s) of Incidents ____/____/____ ____/____/____ ____/____/____

COMPLAINT SUMMARY (Identify: Who, What, When, and Where)

(Additional pages and attachments may be submitted with this complaint form.)

WITNESS INFORMATION (Provide Names of Witnesses)

Name	<input type="checkbox"/> Student <input type="checkbox"/> Adult	Address/Organization	Phone
Name	<input type="checkbox"/> Student <input type="checkbox"/> Adult	Address/Organization	Phone
Name	<input type="checkbox"/> Student <input type="checkbox"/> Adult	Address/Organization	Phone

Statement: The information provided above is truthful and correct to the best of my knowledge.

Principal or Designee:
Date Received By

Complainant's Signature	/ /
Received by:	/ /
Principal or Designee	Date

COMPLAINT FORM



In accordance with the Americans with Disabilities Act and other applicable state and federal laws, if you require reasonable accommodations due to a disability, please contact a supervisor, principal, complex area superintendent, or assistant superintendent.